



文獻通考卷之二百七十

封建考

魏封建諸侯王

宋 鄆陽 馮 端臨 貴與 著

明 鄆陽 馮 天馥 應房 校刊

任城威王彰建安二十一年封鄆陵侯文帝即位以功增邑五千并前萬戶黃初二年進爵為公三年立為任城王四年薨子楷嗣徙封中牟五年改封任城縣太和六年復改封任城國食五縣二千五百戶青龍三年坐罪削縣二千戶正始七年徙封濟南三千戶并增邑四千四百戶

陳思王植建安十六年封平原侯十九年徙封臨菑侯二十二年增邑至萬戶文帝即位坐罪貶爵安鄉侯三年立為鄆城王邑二千五百戶四年徙封雍丘六年增戶五百太和元年徙封浚儀三年徙封東阿六年以陳四縣封為陳王邑三千五百薨

子志嗣徙封濟北王

蕭懷王熊早薨後追封王 子哀王炳嗣食邑二千五百戶薨

無子國除

豐愍王昂早卒黃初二年追諡曰豐悼公 三年以樊安公均

子琬嗣嘉平六年襲爵為豐王累增邑至二千七百戶薨 子

廉嗣

相殤王鑠早薨太和三年追封 子潛嗣薨 偃邑二千五百

戶無子國除

鄧哀王冲早卒 以宛侯據子琮奉冲後景初元年坐罪削邑

貶爵為侯正始七年轉封平陽公累增邑并前千九百戶

彭城王據建安十六年封范陽侯二十二年徙封宛侯黃初二

年進爵為公三年為章陵王又徙義陽又徙彭城及濟陰景初

元年坐罪削爵二千戶三年復景元中累增邑并前四千六百

戶

燕王宇建安十六年封都鄉侯二十二年改封魯陽侯黃初二

年進爵為公三年為下邳王五年改封單父縣太和六年封燕

王累增邑至五千五百戶薨 奐後入繼太宗即帝位

沛穆王林建安十六年封饒陽侯二十二年徙封譙黃初二年

進爵為公三年為譙王五年改封譙縣七年徙郵城太和六年

徙沛累增邑至四千七百戶薨 子緯嗣

中山恭王褒建安二十一年封平鄉侯二十二年徙東陽侯黃

初二年進爵為公三年為北海王又徙替濮陽及中山青龍元

年坐削邑二年復三年卒 子孚嗣增邑至二千四百戶

濟陽懷王珪建安十六年封西鄉侯早卒 以沛王林子替襲

爵薨 復以替弟邑紹薨 子恒嗣累增邑至千九百戶

陳留恭王峻建安二十一年封郟侯後徙襄邑黃初三年進爵

封

文獻通考卷三百

二

頁

改封襄邑又改陳留薨 子澳嗣累增邑至四千七百戶

范陽閔王矩早卒 以樊安公均子敏嗣封臨晉侯黃初五年

改封范陽王七年徙句陽增邑至三千四百戶 子焜嗣

趙王幹建安二十年高平亭侯再徙賴亭弘農黃初二年封燕

王又改河間樂城鉅鹿乃封趙王增邑至五千戶

楚王彪建安二十一年封壽春侯徙封汝陽弋陽吳壽春白馬

乃改封楚王坐犯禁削縣繼而復所削封至三千戶嘉平元年

令狐愚王凌等謀立彪都許昌凌敗彪自殺 正元元年封子

嘉為常山真定王

郤戴公子整建安二十二年封郤侯薨無子 以彭城王據子

範奉整後 闡嗣增封至千八百戶

樊安公均建安二十二年封薨 子抗嗣徙封抗蘇也留薨

子謀嗣累封至千九百戶

東平靈王徹建安二十二年封歷城侯黃初三年為廬江王徙

壽張東平坐罪削邑繼復所削薨 子翕嗣累封至三千四百

戶

樂陵王茂二十二年封萬歲亭侯改封中興乘氏中丘聊城乃

封王又改曲陽坐罪削繼復徙樂陵增邑至五千戶

右太祖二十五男其得封傳國者十七人

替哀王協早薨太和五年追封 子尋嗣增戶至三千薨無子

國除

北海悼王蕤黃初七年立為陽平縣王後改封北海薨 贊嗣

子嗣徙封昌鄉饒安文安增邑至三千五百戶

東武陽懷王鑿黃初六年立薨無子國除

東海定王霖黃初三年立為河東王改封館陶東海薨 子啓

嗣累增邑至六千二百戶 子高貴鄉公髦入繼大宗嗣帝位

元城哀王禮黃初二年封秦公三年改京兆王又改元城薨
以任城王楷子梯嗣改封梁王累增邑至四千五百戶
邯鄲懷王邕黃初二年封淮南公三年封王又改陳及邯鄲薨
以任城王楷子溫嗣改封魯陽累增邑至四千四百戶
清河悼王貢黃初三年封薨無子國除
廣平哀王儼黃初三年封薨無子國除

右文帝子八王

黃初五年詔曰先王建國隨時而制漢高增秦所置郡至光武
以天下損耗并省郡縣以今比之益不及焉其改封諸王皆爲
縣王

陳思王傳時法制待藩國既自峻迫寮屬比賈豎下才兵人
給其殘老大數不過二百人又植以刑過事復減半十一年
中而三徙都常汲汲無歡遂發疾薨

正始間宗室曹罔上書曰古之王者必建同姓以明親親必
樹異姓以明賢賢親親之道專用則其漸也微弱賢賢之道
偏任則其敝也劫奪先聖知其然也故博求親疏而並用之
故能保其社稷歷紀長久今魏尊尊之法雖明親親之道未
備或任而不重或釋而不任臣竊惟此寢不安席謹撰合所
聞論其成敗曰昔夏商周歷世數十而秦二世而亡何則三
代之君惟天下共其民故天下同其憂秦王獨制其民故傾
危而莫救也秦觀周之敝以爲小弱見奪於是廢五等之爵
立郡縣之官內無宗子以自毗輔外無諸侯以爲藩衛譬猶
芟刈股肱獨任胷腹觀者爲之寒心而始皇晏然自以爲子
孫帝王萬世之業也豈不悖哉故漢祖奮三尺之劍驅烏集
之衆五年之中遂成帝業何則伐深根者難爲功摧枯朽者
易爲力理勢然也漢監秦之失封植子弟及諸呂擅權圖危

劉氏而天下所以不傾動者徒以諸侯强大磐石膠固故也然高祖封建地過古制故賈誼以爲欲天下之治安莫若衆建諸侯而少其力文帝不從至於孝景猥用晁錯之計削黜之不漸故也所謂末大必折尾大難掉尾同於體猶或不從況乎非體之尾其可掉乎武帝從主父策下推恩之令自是之後遂以陵夷子孫微弱衣食租稅不預政事至於哀平王氏秉權假周公之事而爲田常之亂宗室王侯或乃爲之符命頌莽恩德豈不哀哉由斯言之非宗子獨忠孝於惠文之間而叛逆於哀平之際也徒以權輕勢弱不能有定耳賴光武皇帝挺不世之姿擒王莽於已成紹漢嗣於旣絕斯豈非宗子之力也而曾不監秦之失策襲周之舊制至於桓靈閣宦用事君孤立於上臣弄權於下由是天下鼎沸姦宄並爭

宗廟焚爲灰燼宮室變爲榛藪太祖皇帝龍飛鳳翔掃除凶逆大魏之興于今二十有四年矣觀五代之存亡而不用其長策觀前車之傾覆而不改於轍迹子弟王空虛之地君有不使之民宗室竄於閭閻不聞邦國之政權均匹夫勢齊凡庶內無深根不拔之固外無磐石宗盟之助非所以安社稷爲萬世之業也且今之州牧郡守古之方伯諸侯皆跨有千里之上兼軍武之任或比國數人或兄弟並據而宗室子弟曾無一人間廁其間與相維制非所以強幹弱枝備萬一之虞也今之用賢或超爲名都之主或爲偏師之帥而宗室有文者必限小縣之宰有武者必致百人之上非所以勸進賢能褒異宗室之禮也語曰百足之蟲至死不僵以其扶之者衆也此言雖小可以譬大是以聖王安不忘危存不忘亡故天下有變而無傾危之患矣罔冀以此論感悟曹爽不能

用

陳壽評曰魏氏王公既徒有土國之名而無社稷之實又禁防壅隔同於囹圄位號靡定大小歲易骨肉之恩乖棠棣之義廢為法之弊一至於此乎

袁子曰魏興承大亂之後民人損減不可則以古始於是封建侯王皆優寄地空名而無其實王國使有老兵百餘人以衛其國雖有王侯之號而乃儕於匹夫縣隔千里之外無朝聘之儀鄰國無會同之制諸侯游獵不得過三十里又為設防輔監國之官以伺察之王侯皆思為布衣而不能得既違宗國藩屏之義又虧親戚骨肉之恩

列侯

魏黃初二年初制封王之庶子為鄉公嗣王庶子為鄉侯公之庶子為亭伯其後定制凡國王公侯伯子男六等次縣侯次鄉

侯次亭侯次關內侯又置名號侯爵十八級關中侯爵十七級皆金印紫綬關外侯十六級銅印龜鈕墨綬五大夫十五級銅印環鈕亦墨綬自關內侯皆不食租虛封爵自魏始而有保

傅相 常侍 侍郎 郎中令 中尉 大農 文學 友

謁者大夫 諸雜署令 丞 公主有家令 僕 丞 行夜

督郵 王太妃有家令 僕 丞

公孫康遼東襄平人漢末父度據遼東至康以斬袁尚功封襄平侯 子淵嗣明帝時拜大司馬封樂浪公景初元年遣使徵之淵發兵反遣司馬懿討誅之

張燕常山真定人本羣盜聚衆河北太祖將平冀州遣使求佐

王師拜平北將軍封安國亭侯邑五百戶薨 子方嗣 融

張繡武威祖厲人漢末聚衆於祖厲後領衆屯宛與劉表合太

祖南征以衆降封宣威侯以軍功增邑至二千戶薨 子泉嗣

夫道言六十三

坐反誅
國除

張魯沛國豐人據漢中太祖討平之出降封閬中侯邑萬戶封魯五子及閭圃等皆為列侯 子富嗣

夏侯惇沛國譙人以從征呂布功封高安鄉侯增邑至二千五百戶薨諡忠侯 子克嗣 廙 劭

河內人韓浩 沛國史渙俱以忠勇顯掌禁兵封侯附惇傳

夏侯淵惇族弟以軍功封博昌亭侯後守漢中為劉先主所襲戰死諡愍侯 子衡嗣 績 襲

曹仁太祖從弟以征伐功進封陳侯增邑至三千五百戶薨諡忠侯 子泰嗣轉封甯陵侯 初泰弟楷範皆為列侯

仁弟純以征伐功封高陵亭侯邑三百戶卒諡威侯 子演嗣 亮

曹洪太祖從弟以征伐功封野王侯二千一百戶薨諡恭侯 子馥嗣 太祖分洪戶封子震列侯

族父瑜官至衛將軍封侯 曹休太祖族子以征伐功封長平侯增邑至二千五百戶薨諡壯侯 子肇嗣 興 文帝分休戶三百封肇弟纂為列侯

曹真太祖族子以軍功封東鄉侯累增戶至二千九百薨諡元侯 子爽嗣明帝崩受遺輔少主加侍中武安侯邑萬二千戶

坐擅權為司馬懿所誅夷 明帝思真功封其五子羲訓則彥

皚皆為列侯 文帝分真邑二百戶封弟彬為列侯 夏侯尚淵從子以軍功封昌陵鄉侯薨諡悼侯 子玄嗣坐謀

誅司馬師為師所誅夷 荀彧穎川穎陰人太祖平袁紹以彧前後籌策功封萬歲亭侯

累增邑至二千戶薨諡敬侯 子惲嗣 魁 顓 荀攸彧從子與彧同時以籌策功封陵樹亭侯增邑至七百戶

文法通考卷三十一

子適嗣 彪

賈詡武威姑臧人以說張繡降太祖功封都亭侯進封魏壽鄉侯增邑至八百戶薨謚肅侯 子穆嗣 模

田疇右北平無終人太祖征烏丸疇將眾為向导破虜以功封亭侯邑五百戶固辭不受

何夔陳郡陽夏人太祖時參軍事文帝為太子以夔為少傅帝即位封成陽亭侯邑三百戶薨謚靖侯 子曾嗣

鍾繇潁川長社人太祖時馬騰韓遂擁強兵擅關中乃以繇為侍中持節督關中魏國初建為相國文帝受禪進封崇高鄉侯增邑至千八百戶薨謚成侯 子毓嗣 文帝分毓戶邑封繇

弟演及子劭孫豫列侯 駿

華歆平原高唐人魏國建為御史大夫文帝即位拜相國封安樂侯明帝即位封博平侯增邑至千二百戶薨謚敬侯 子表

嗣 文帝時分歆戶邑封音才緝列侯

王朗東海人魏國建以軍祭酒領魏郡太守文帝即位為司空封樂平鄉侯明帝即位封蘭陵侯增邑至千二百戶薨謚成侯

子肅嗣

文帝分朗邑封朗兄子詳為列侯

程昱東郡東阿人以從討破袁譚尚功封安國亭侯文帝即位

封安鄉侯增邑至八百戶薨謚肅侯 子武嗣 克 良

郭嘉潁川陽翟人從征伐以籌策功封洧陽亭侯增邑至千戶

薨謚貞侯 子率嗣 深 胤

董昭濟陰定陶人說太祖移都許以謀策功封千秋亭侯後

進爵樂平侯邑千戶薨謚定侯 子冑嗣

劉曄淮南成德人太祖文帝時 侍中征討預謀畫明帝時以

功封東亭侯邑三百戶薨謚景侯 子寓嗣

蔣濟楚國平阿人太祖時為丞相主簿文明時仕至散騎常侍
預軍國謀議齊王卽位進爵昌陵亭侯薨謚景侯 子秀嗣

凱

劉放涿郡人魏國建為秘書郎文明時為中書監掌機密封西
鄉侯齊王卽位以定策增邑至一千二百戶薨謚敬侯 子正

嗣

孫資太原人自太祖以來與劉放俱任中書掌機密封陽亭侯
齊王卽位以定策增邑至千戶薨謚貞侯 子宏嗣

劉靖沛國相人太祖時表靖父襲為揚州刺史恩惠大行戰守
有備馥卒子靖為河南尹有父風封廣陵亭侯邑三百戶謚景

侯 子熙嗣

司馬朗河內溫人太祖時為丞相主簿從征伐明帝卽位錄其
功封朗子昌武亭侯邑百戶 子洪嗣

梁習陳郡柘人文帝時為并州刺史政治為天下最封申門亭
侯邑百戶薨 子施嗣

張既馮翊高陵人文帝時為涼州刺史以擊胡功封西鄉侯增
邑至四百戶薨謚肅侯 子緝嗣坐與李豐同謀誅司馬師見

殺

賈逵河東襄陵人太祖時為丞相主簿從征伐文帝受禪以功
封陽里亭侯四百戶薨謚肅侯 子充嗣

任峻河南中牟人太祖征伐峻常居守置屯田給軍糧以功封
都亭邑二百戶薨謚成侯 子先嗣

蘇則扶風武功人文帝時為護羌校尉以征羌功封都亭侯邑
三百戶薨謚剛侯 子怡嗣 愉 襲封

杜畿京兆杜陵人為河東太守十六年治為天下最文帝踐祚
封豐樂亭侯邑百戶謚戴侯 子恕嗣

封豐樂亭侯邑百戶謚戴侯 子恕嗣

張遼雁門馬邑人太祖時為將破袁譚攻孫權有功文帝即位封晉陽侯邑增至二千六百戶謚剛侯 子虎嗣 統

樂進陽平衛國人太祖時為軍司馬以征伐功封廣昌亭侯增邑至千二百戶謚威侯 子琳嗣 肇

子禁泰山鉅平人太祖時以征伐功封益壽亭侯增邑至千二百戶後禦關羽於樊軍敗降羽文帝時自吳還卒謚厲侯 子圭嗣

張郃河間人太祖時以征伐功封鄭侯後增邑至四千三百戶卒謚壯侯 子雄嗣 明帝以郃功分其邑封郃四子列侯

徐晃河東楊人太祖時征伐有功文帝即位封陽平侯增邑至三千一百戶謚壯侯 子蓋嗣 霸 明帝分晃子孫二人列侯

李典山陽鉅野人太祖時從軍以功封都亭侯邑三百戶薨謚侯

李通江夏平春人以軍功封都亭侯增邑至四百戶謚剛侯

臧霸泰山華人太祖攻袁紹時霸為琅邪相以精兵入青州封都亭侯文帝即位封良成侯增邑至三千五百戶謚威侯 子艾嗣 權以霸前後功封子三人列侯

文聘南陽宛人為劉表大將太祖征荊州劉琮降聘請太祖後以禦關羽孫權功封新野侯增邑至千九百戶謚壯侯 子休嗣 武

呂虔任城人太祖時為泰山太守以平寇功封益壽亭侯增邑至六百戶 子翻嗣 桂

許褚譙國譙人太祖時從征伐有功文帝立封萬歲亭侯增邑至七百戶謚壯侯 子儀嗣 綜

至七百戶謚壯侯 子儀嗣 綜

至七百戶謚壯侯 子儀嗣 綜

龐德南安狽道人初從張魯太祖定漢中乃降封關門亭侯與曹仁共攻關羽不克死之諡壯侯封其二子皆為列侯

衛覲河東安邑人太祖時以治書侍御史鎮關中招懷有功文帝立封陽吉亭侯增邑至三百戶諡敬侯 子瓘嗣

傅嘏北地泥陽人黃初中為侍中尚書高鄉貴公時進封武鄉亭侯以勸司馬師討母丘儉功增邑至千二百戶諡元侯 子

祗嗣

陳羣穎川許昌人太祖時辟為西曹掾文帝在東宮待以交友

之禮即位封昌武亭侯帝寢疾與曹真司馬懿等並受遺詔輔明帝封穎陰侯增邑至千三百戶諡靖侯 子泰嗣 恂 溫

恂弟 紹封

陳矯廣陵東陽人太祖時為司空掾文帝即位以佐命功封東

鄉侯邑六百戶諡貞侯 子木嗣 粲

徐宣廣陵西人太祖時為司空掾明帝即位為尚書封津陽亭

侯邑二百戶諡貞侯 子欽嗣

衛臻陳留襄邑人太祖時參丞相軍事文帝踐封安國亭侯正

始中進爵長垣侯邑千戶諡敬侯 子烈嗣

盧毓丞郡涿人太祖時為丞相法曹齊王即位為僕射封高樂

亭侯後封容城侯二千三百戶諡成侯 孫藩嗣

和洽汝南西平人初從劉表太祖定荊州辟為丞相掾明帝即

位封西陵鄉侯邑二百戶薨諡簡侯 子禽嗣

常林河內溫人文帝為五官將時林為功曹帝即位封樂陽亭

侯薨諡貞侯 子昔嗣 靜 緝 緝

杜襲穎川定陵人太祖時為丞相軍祭酒文帝即位封武平亭

侯累封至五百五十戶諡定侯 子會嗣

趙儼穎川陽翟人太祖時為司空掾屬主簿明帝即位進封都

鄉侯邑六百戶薨諡穆侯 子亭嗣

裴潛河東聞喜人太祖時為丞相理曹掾明帝即位封清陽亭

侯邑二百戶薨諡貞侯 子秀嗣

韓暨南陽堵陽人太祖平荊州辟為丞相士曹掾文帝即位封

宜城亭侯邑二百戶薨諡恭侯 子肇嗣 邦

崔林清河東武城人太祖時為丞相掾明帝時為司空封安陽

亭侯邑六百戶魏三公封列侯自林始薨諡孝侯 子述嗣

高柔陳留圉人太祖辟為丞相倉曹屬明帝即位封延壽亭侯

齊王時以預誅曹爽功封安國侯為太尉增邑至四千戶薨諡

元侯 孫渾嗣

孫禮涿郡容城人文帝時為尚書齊王時遷司空封大利亭侯

邑一百戶薨諡景侯 孫元嗣

王觀東郡廩丘人太祖時為文學掾歷仕入明二帝高貴鄉公

即位既誅曹爽封觀陽鄉侯後增邑至二千五百戶遷司空薨

諡肅侯 子悝嗣

辛毗潁川陽翟人初從袁紹太祖克鄴表毗為議郎文帝時封

廣平亭侯薨諡肅侯 子敞嗣

滿寵山陽昌邑人太祖時為汝南太守以戰功封安昌亭侯明

帝即位封昌邑侯增邑至九千六百戶薨諡景侯 子偉嗣

田豫漁陽雍奴人太祖時為丞相軍謀掾文帝初為護烏丸校

尉以討胡功封長樂亭侯增邑至五百戶薨 子彭祖嗣

郭淮太原陽曲人文帝時為鎮西長史討平關中叛胡封射陽

亭侯後進封陽曲侯邑凡二千七百八十九戶分三百戶封一子

亭侯薨諡貞侯 子統嗣 正

徐邈燕國薊人太祖時為丞相軍謀掾文帝立以討叛羌功封

都亭侯邑三百戶薨諡 侯 子武嗣

胡質楚國壽春人太祖時爲丞相屬文帝卽位爲征東將軍都督青徐諸軍事積穀備邊薨追封陽陵亭侯邑百戶諡貞侯子威嗣

王昶太原晉陽人文帝時爲兗州刺史後以戰功封京陵侯討母丘儉文欽諸葛誕等破之增邑至四千七百戶薨諡穆侯子渾嗣

王基東萊曲城人文帝時爲中書侍郎高貴鄉公卽位封常樂亭侯後以預討文欽等功增邑至五千七百戶薨諡景侯子徽嗣

王凌太原祁人太祖時爲丞相掾文帝卽位爲兗州刺史後以戰功封南鄉侯邑千二百五十戶司馬懿秉政凌謀立楚王彪事覺懿討之自殺

母丘儉河東聞喜人人興黃初中爲武威太守以討叛胡功封高陽鄉侯儉襲父爵後以討公孫淵功進封安邑侯邑三千九百戶司馬師專政儉矯太后詔起兵討之兵敗死

諸葛誕琅邪陽都人明帝時爲御史中丞後以討吳功封高平侯邑三千五百戶爲征東將軍司馬昭秉政誕舉兵降吳昭討之兵敗死

鄧艾義陽棘陽人爲司馬懿掾屬後以破文欽等功封方城鄉侯拒姜維破之遷征西將軍增邑至六千六百戶以平蜀功爲太尉增邑二萬戶封二子亭侯邑各千戶鍾會譖而殺之

鍾會穎川長社人太傅繇小子高貴鄉公卽位以謀討母丘儉等功封東武亭侯邑三百戶後以平蜀功爲司徒進封縣侯增邑萬戶封子二人亭侯邑各千戶坐反誅

右魏世諸侯王及列侯之見於史傳而可攷者按漢人嘗稱萬戶侯蓋列侯之大者多食萬戶魏則雖親王所

食未有及萬戶者漢光武封功臣如鄧寇輩皆以元功
食四縣范曄猶以為懲韓彭之戮存矯枉之志故不大
其封土使之得以功名自終魏則諸王所食不過一縣
蓋封建之制至曹魏而規模益貶矣然以天下戶口之
數攷之西漢盛時至一千餘萬而魏氏不過六十六萬
有奇蓋郡國所上戶口猶不及漢十之一則宜其分封
之戶數不能如漢制也又兩漢戶賦輕而魏晉以來戶
賦重受封者皆食其戶賦則輕者不容不多而重者不
容不少矣張繡傳言時天下戶口減耗十裁一存諸將
封未有滿千戶者而繡獨以功封二千戶亦一證也

文獻通考卷之二百七十

文獻通考卷之二百七十一

宋鄱陽馬端臨貴與著

封建考 明靳陽馮天馭應房校刊

晉亦有王公侯伯子男六等之封晉令曰有開國郡公縣公郡

關內外等侯之爵唯安平郡公享邑萬戶制度如魏諸王其餘縣公邑

千八百戶地方七十五里大國侯邑千六百戶地方七十里次

國侯邑千四百戶地方六十五里大國伯邑千二百戶地方六

十里次國伯邑千戶地方五十里大國子邑八百戶地方五十

里次國子邑六百戶地方四十里男邑四百戶地方四十里武

帝受禪之初太始元年封建子弟為王二十餘人以郡為國邑

二萬戶為大國置上中下三軍兵五千人邑萬戶次國置上軍

下軍兵三千人邑五千戶為小國置一軍兵千五百人王不之

國宮於京師罷五等之制公侯邑萬戶以上為大國五千以上

封

為次國不滿五千戶為小國初雖有封國而王公皆在京都咸

寧三年詔徙諸王公皆歸國時楊珧孫勛以齊王攸有時名懼

封建之旨遂詔更制戶邑皆中尉領兵其平原汝南琅邪扶風

齊為大國梁趙樂安燕安平義陽為次國其餘為小國皆制所

近縣益滿萬戶又為郡公制度如小國王亦中尉領兵郡侯如

不滿五千戶王置一軍千一百人亦中尉領之于時唯特增魯

國公戶邑追進封故司空博陵公王沈為郡公鉅平侯羊祜為

南城郡侯又南官王丞隨王萬各於泰始中封為縣王邑千戶

至是改正縣王增邑為三千戶制度如郡侯亦置一軍自此非

皇子不得為王而諸王之支庶皆皇家之近屬至親亦各以土

推恩受其大國次國始封王之支子為公丞封王之支子為侯

繼承封王之支子為伯小國五千戶始封王之支子及始封公

侯之支子皆為男非此皆不得封其公之制度如五千戶國侯

之制度如不滿五千戶國亦置一軍千人中尉領之伯子男以

下各有差而不置軍大國始封之孫罷下軍曾孫又罷上軍次

國始封之孫亦罷下軍其餘付以一軍為常大國中軍二千人

上下軍各千五百人次國上軍二千人下軍千人其末之國大

國置守士百人次國八十人小國六十人郡侯縣公亦如小國

制度既行所增徒各如本奏既遣就國而諸公皆戀京師涕泣

凡名山大澤不以封鹽鐵金銀銅錫始平之竹園別都宮室園

囿皆不為屬國其仕在天朝者與之國同皆自選其文武官齊

王攸國相上長史缺典書令請求差選攸下令曰官人做才皆

朝廷之事非國所宜裁也其令自上請之又當時王家人衣食

皆出自御府攸乃表租之諸入作卿士而其世子年已壯者皆遣蒞

國其王公侯以下茅社符璽車旗命服一如泰始故事凡王金

印龜紐練朱綬遠遊三梁冠絳紗朝服佩山玄玉開國郡公縣

綬綬郡侯青朱綬同進賢三梁冠絳紗朝服佩山玄玉初武帝踐祚封

宣帝孫末為東莞郡王始置二卿侯以下置官屬隨國大小無

定制諸侯並三分食一 東晉元帝太興元年始置九分食一

元帝以西陽王美屬尊元會特為設牀明帝以美皇室元老特

拜之拜成帝詔美依安平獻王孚故事設牀帳於殿上帝親迎

蓋因文王仲典書令丞為治書國職官錄曰漢制本曰尚書改

尼四友之名 郎中令中尉大農為三 左右常侍各一人掌贊相獻

替內史書曰改國相為內史又晉將軍大國上中下軍三將軍次國

而已 典祠典衛學官令治書中尉司馬世子庶子陵廟牧長謁

者中大夫舍人典府等其後省相及僕省郎中置侍郎二人初

武帝輔魏政阮籍嘗言於帝曰平生曾游東平樂其風土即拜

為東平相籍乘驢到郡環府舍屏障使內外相通法今清簡旬

還日而公侯以下國官屬遞減晉書曰詔以壽光公鄭冲及朗陵

初渡江即晉王位諸參軍奉車都尉 晉諸侯王

安平獻王孚宣帝次弟泰始元年封邑四萬戶拜太宰八年薨

孫穆王隆嗣無子國除

義陽城王望孚子初出繼伯父朗武帝受禪封邑萬戶泰始七

年薨 孫奇嗣後徙封棘陽王

河間平王洪望子出繼叔父昌武帝受禪封咸寧二年薨 子

混嗣 滔休

隨穆王整望子武帝以義陽國一縣封整為隨縣王薨 子邁

嗣 竟陵王棼望子武帝受禪封東平王邑三千九十七戶懷帝踐

祚改封竟陵王後為亂兵所害

太原成王輔孚子武帝受禪封渤海王邑五千三百七十九戶

後徙為太原王薨 子弘嗣後徙封中丘 鑠 下邳獻王晃孚子武帝受禪封邑五千一百七十六戶薨 子

韓嗣 韶

太原烈王瓌子子武帝受禪封邑五千四百九十六戶薨 子

顯立徙封河間王趙王倫篡位齊王罔謀討之遣使告顯顯初

不從遣張方助倫後見罔等兵盛乃從之倫既誅顯復興兵討

罔殺之復與成都王穎謀舉兵誅長沙王義遣張方入京城大

掠以穎為太弟奉乘輿都長安後為南陽王模所殺并其三子

融彭城王植子詔以為為 欽

高陽元王珪子子武帝受禪封邑五千五百七十七戶薨 子哀

王緝嗣 訟

常山孝王衡子子武帝受禪封邑三千七百九十戶薨 子敦

嗣

沛順王景孚子武帝受禪封邑三千四百戶薨 子韜嗣

彭城穆王權宣帝弟武帝受禪封邑二千九百戶薨 子元王

植嗣 康王釋 雄 紘 玄 弘之 邵之 崇之 緝之

宋受禪 國除

高密文獻王泰宣帝弟武帝受禪封隴西王邑二千二百戶後

改封高密王邑萬戶薨 子孝王略嗣 恭王俊 敬王純之

恢之宋受禪 國除

東海孝獻王越泰次子以討楊駿功封五千戶侯後封東海王

食六縣長沙王義既敗帝西幸以越為太傅與河間王顯共輔

朝政越引兵奉帝還洛陽遂專朝政帝崩懷帝立委政於越所

在寇亂上下崩離越以憂薨 冲元帝子 率徙封琅邪王後 嗣帝位桓温廢

之 彥璋殺國除 南陽王模泰子初封平昌公末嘉初進爵南陽王轉征西大將

軍代河間王顯鎮關中劉聰攻長安模敗降為聰所害 子保

嗣

晉書 卷一百一十五 諸王傳 第十一

新蔡武哀王騰泰子初封東瀛公永嘉初封新蔡王遷車騎將軍鎮鄴羣盜李豐等攻鄴騰不能守為豐所害子莊王確嗣

為石勒所殺 弼 邈 晃 崇 惠 宋受禪國除

范陽康王綏宣帝弟武帝受禪封薨 子虢嗣 黎

濟南惠王遂宣帝弟武帝受禪封薨 子耽嗣

譙剛王遜宣帝弟武帝受禪封邑四千四戶薨 子定王隨

邃 石勒 閔王承 隨第元帝以紹遜封為相州刺史王敦構逆圍承兵敗死之 烈王無忌

忠王尚之 為桓玄所害 文思 坐謀逆死國除

高陽王睦宣帝弟武帝受禪封中山王邑五千二百戶後徙封

高陽王薨 孫毅嗣 石勒 文深 法連 宋受禪國除

任城景王陵宣帝弟武帝受禪封北海王邑四千七百戶後改

封任城薨 子濟立 為石勒所害

西河繆王斌陵子武帝受禪封陳王邑千七百一十戶後改封

西河薨 子隱嗣 晉

平原王幹宣帝子武帝受禪封邑萬一千三百戶薨 會劉聰亂不遑贈典

世子早卒

琅邪武王伷宣帝子武帝受禪封東莞郡王邑萬六百元後徙

琅邪薨 子恭王觀立 睿 渡江是元帝 衷 以皇子奉恭王祀早薨 昱 徙封

會稽後為簡文帝 德文 是為恭帝既立琅邪國除

武陵莊王澹伷子伷薨分國封之 後為石勒所害 子哀王喆嗣

晞 元帝子繼喆後 璉 遵

東安王繇伷子伷薨封 後為成都王穎所殺 渾 無子國除

淮陵王瓘伷子以預計趙王倫功封薨 子貞王融嗣 蘊

安之 宋受禪國除

燕王機父清惠亭侯宣帝子早卒武帝受禪封機為燕王邑六

千六百六十三戶後增戶至二萬薨 子幾嗣

扶風武王駿宣帝子武帝踐阼進封汝陰王邑萬戶後徙封扶風薨子暢嗣改封順陽王劉聰入洛不知所終

新野莊王歆駿子駿薨推恩分國封歆縣公後以預計趙王倫功封王邑二萬戶後為賊所害劭沒於石勒

梁孝王彤宣帝子武帝踐阼封邑五千三百五十八戶後與趙王倫共廢賈后為太宰增封二萬戶薨禧沒於石勒翹璉

齊獻王攸文帝子以景帝無子命為嗣武帝受禪封齊王薨子固嗣趙王倫篡位固起兵誅倫惠帝友正拜大司馬河間王

顯長沙王義舉兵殺之子超嗣柔之建之宋受禪國除

東萊王蕤攸子出繼遼東王定國後徙封東萊齊王固既秉政蕤密謀廢固坐廢死定國文皇帝子

廣漢冲王贇攸子繼廣漢王薨薨王王文帝子寔以弟繼改封北海王

城陽哀王肇文帝子且死武帝踐阼追封景度憲祗

樂安平王鑿文帝子武帝踐阼封薨籍冰

樂平王延祚文帝子以篤疾不任封太康初封尋薨無子汝南文成王亮宣帝第四子武帝踐阼封扶風王邑萬戶惠帝即位楊駿誅為太宰錄尚書事後為賈后及楚王瑋所殺矩

與亮同遇害祐義遵之蓮扶宋受禪國除

西陽王羨亮子惠帝時封元帝渡江即位拜侍中太保明帝崩受遺輔成帝後坐降蘇峻賜死國除

南頓王宗亮子以討劉喬功封萬戶後渡江為左將軍坐反死汝陽王熙亮子以討劉喬功封末嘉末沒於石勒

楚隱王瑋武帝第五子初封始平王後徙楚楊駿誅賈后令瑋誅汝南王亮及衛瓘復以矯詔罪瑋而殺之範為石勒所害

趙王倫宣帝第九子武帝即位封琅邪郡王後徙趙惠帝時為車騎將軍諂事賈后及后廢殺皇太子倫以兵廢后篡位齊王固等討而誅之

長沙厲王義武帝第六子太康十五年封趙王倫篡位義與齊王固等舉兵誅倫復攻固而殺之河間王顥等以兵攻義東海王越收義送金墉城張方取而殺之 子碩嗣

成都王穎武帝第十六子太康末受封趙王倫篡位穎與齊王固等以兵討誅之及固敗穎鎮鄴遙執朝政憚長沙王義與河間王顥等以兵犯京師執義殺之廢太子覃以穎為太弟穎僭

侈無君陳彤等奉帝討之敗績後為烏丸羯末等所襲奉帝奔長安河間王顥廢穎以豫章王為皇太弟范陽王虓幽穎而殺之 遵石勒

秦獻王東武帝子泰始初封汝陽王後徙封秦邑八萬戶于時諸王封中土者皆五萬戶以東為太子同產特加之元康元年薨 郁 鄴以吳王晏子嗣後入紹帝位為愍帝國絕

毗陵悼王軌武帝子二歲夭太康時追封以楚王瑋子義嗣城陽懷王景武帝子出繼叔父城陽哀王北後早薨無子東海冲王祗武帝子受封早薨

始平哀王裕武帝子受封早薨 迪以淮王了 淮南忠壯王允武帝子初封濮陽王後更封趙王倫既廢賈后以允為太尉倫將篡允帥兵攻之為倫所害 祥

代哀王演武帝子太康十年封薨 廊 新都王該武帝子咸寧三年封薨無子國除 清河康王遐武帝子出繼叔父城陽哀王北末康初薨 覃後

為皇太子河間王顥等舉兵齊遷復廢為清河王未幾被害 汝陰哀王謨武帝子早薨無後 籥

吳敬王晏武帝子太康十年封洛京陷遇害
渤海殤王恢武帝子早薨無後

武帝太康時劉頌上疏曰三代並建明德以藩帝室延祚久遠近者五六百歲遠者千載秦氏罷侯置守二世而亡漢承周秦之後雜而用之前後二代各二百餘年揆其封建強弱不適不盡事中然迹其衰亡常在同姓失職諸侯微時不在強盛昔呂氏之亂賴齊代以寧社稷七國叛逆梁王扞之以弭其難自是之後威權日削王莽得以遂其奸謀傾蕩天下光武紹起雖封樹子弟而不建成國之制祚亦不延魏氏乘之圈閉親戚幽囚子弟是以神器速傾天命移在陛下又魏氏時三方未賓實有戰國相持之勢大晉之興宣帝定燕太原平蜀陛下滅吳可謂功格天地宜因盛明之時開啓土宇使同姓必王建久安於萬載垂長世於無窮今諸王裂土皆

兼於古之諸侯而君賤其爵臣耻其位莫有安志其故何也
法同郡縣無成國之制故也今之建置宜一如古典

惠帝末興初劉弘上言曰自頃兵戈紛亂禍降生疑隙構於羣王災難延于宗子今夕爲忠明旦爲逆翻其反而互爲戎首載籍以來骨肉之禍未有如今者臣切悲之今邊陲無備豫之儲中華有扞軸之困而股肱之臣不惟國體職競尋常日相楚剝萬一四夷乘虛爲變此亦猛虎交鬪自效於下莊者矣臣以爲宜速發明詔詔顯越等今兩釋猜嫌各保分局自今以後其有不被詔書擅興兵馬者天下共伐之

按魏疎已骨肉故武之子文之母弟不過食一縣且刻削遷徙殊無寧日幾不能以自存晉矯其敝受禪之初不特宣文之子孫畢王雖宣帝諸弟如孚如泰輩之子孫亦且同時俱封又許其自選官屬而王家人衣食御

府別給之親親之意亦厚矣劉頌所言無成國之制蓋以其徒享封土而不治吏民有同郡縣此乃漢景武以後之法制然惠帝既立之後諸王或鎮雄藩或專國政廢賈誅趙猶運之掌則亦不可以言無事任矣而干戈相侵自相屠毒遂以覆國蓋晉之創業不以道而垂統非其人故天命不佑雖有磐石之宗適以基禍固難以周漢自詭也

臨川獻王郁簡文帝子早卒簡文即位追封 寧康 寶

會稽文孝王道子簡文帝少子出繼琅邪王後更封會稽孝武即位進錄尚書事安帝即位進太傅假黃鉞後以討桓玄不克為玄所害 子脩之

右晉宗室王姓名之見於史傳者

張軌安定烏氏人永寧初為護羌校尉涼州刺史以破鮮卑功

封安樂鄉侯進封西平郡公立十二年薨諡武公 子寔嗣立

進位大都督涼州牧侍中司空承制行事六年為閻沙等所弒

諡昭公 弟茂嗣五年薨諡成公 兄子駿嗣時羣寮勸駿稱

稱後境內皆立立二十二年薨諡文公 子重華嗣始自稱持節

大都督太尉護羌校尉涼州牧河西公假涼王立十一年薨諡

昭公 子曜靈嗣為伯父長寧侯祚所弒諡哀公 祚篡位改

元為和平元年二年為張瓘等所殺 玄親曜靈庶弟嗣廢和

平之號復稱晉正朔立九年薨為天錫所弒諡冲公 天錫駿

少子嗣立十三年秦王堅遣將苟萇伐之天錫兵敗降秦 自

軌為涼州至天錫凡九世七十六年

李暠隴西成紀人呂光末燉煌人推暠為太守六郡推暠為大

都督大將軍涼公領秦涼二州牧義熙元年暠改元建初遣使

奉表詣建康立三年薨國人諡為武昭王 子士業嗣改元為

嘉興為沮渠蒙遜所敗死國亡 高以晉安帝隆安四年立至
宋少帝景平元年滅凡再世二十四年

右晉祚中微羣雄割據以一隅之地盜名字者不一惟
二涼累世不失藩臣禮故晉書述于列傳明其異於載
記所書僭偽之羣胡也故今敘其世系於宗室王之後
為異姓王云

晉五等侯

王祥琅邪臨沂人魏末以從討并立儉功封亭侯後拜司空為

睢陵侯晉武即位進爵為公薨諡元公 子馥嗣 根

鄭冲榮陽開封人常道鄉公時拜太保封壽光侯武帝即位進

爵為公薨諡成公 子徽嗣 簡

何曾陳國陽夏人少襲父夔爵武陽亭侯後封期陵侯武帝即

位進爵為公薨諡孝 子劭嗣

石苞渤海南皮人以破諸葛誕功封東光侯武帝即位封樂陵

郡公薨諡武 子統嗣 崇苞子統弟以伐吳功封安陽鄉侯後為孫秀所殺

羊祜泰山南城人魏世封鉅平子武帝即位以佐命功進爵為

侯後鎮襄陽以功改封南城薨諡成 篇以祜兄 法興時祜

後以桓玄黨誅國除

杜預京兆杜陵人襲祖畿爵豐樂亭侯從平蜀增邑以滅吳功

進爵當陽縣侯薨諡成 子錫嗣 義

陳騫臨淮東陽人為相國司馬封安國亭侯武帝即位以佐命

功封高平郡公薨諡武 子輿嗣 粹 浩之以騫玄孫襲爵宋受禪國除

裴秀河東聞喜人以從討諸葛誕封魯陽鄉侯武帝即位封鉅

鹿郡公薨諡元 子濬嗣 頽濬少弟嗣賈后時輔政為趙王倫所殺 嵩頽子

楷秀從弟與楊駿為姻家駿誅坐不阿附封臨海侯薨諡元

子輿嗣

衛瓘河東安邑人襲父覲爵閬鄉侯後以平蜀誅鍾鄧功封菑陽侯武帝卽位進封公惠帝時爲賈后所殺後諡成璪襲爵

崇 張華范陽方城人以贊伐吳功封廣武縣侯惠帝時輔政封壯武縣公賈后廢爲趙王倫所殺

王沈太原晉陽人高貴鄉公將攻文帝沈奔白帝以功封安平侯武帝卽位進爵爲公薨諡元子浚嗣後爲石道素初以

襲孫 崇之宋受禪

荀覲潁川人以預討毋丘儉等功封亭侯武帝卽位進爵臨淮公薨諡康徽孫嗣龍符宋受禪

荀勗潁川潁陰人文帝爲晉王封安陽子武帝卽位改封濟北郡公薨諡成子輯嗣峻

賈克平陽襄陵人少襲父逵陽里亭侯以預弑高貴鄉公封安陽鄉侯武帝受禪封魯郡公薨諡武諡韓壽子以外孫襲

賈模克從子以預誅楊駿功封平陽鄉侯薨諡成子遊嗣

郭彰太原人以賈后從舅封冠軍縣侯薨諡烈

楊駿弘農華陰人以后父封臨晉侯惠帝卽位秉政爲賈后所殺

魏舒任城樊人武帝卽位爲司徒封劇陽子薨諡康融庶孫

李燾上黨銅鞮人武帝卽位以佐命封祁侯薨諡成子贊嗣

劉寔平原高唐人以叅文帝相國事封循陽子元康初進爵爲侯薨諡元子躋嗣

高光陳留圉城人以討成都王穎功封延陵縣公薨

元

子濟嗣

王渾太原晉陽人襲父昶爵京陵侯以平吳功進爵爲公薨諡

元

王濬弘農湖人以平吳功封襄陽縣侯薨諡武 子矩嗣

唐彬魯國鄒人與王濬共伐吳以功封上庸縣侯薨諡襄

山濤河內懷人武帝即位以佐命功封新沓伯薨諡康 子該

嗣

王戎渾子以預平吳功進安豐縣侯惠帝即位為三公薨諡元

愔子以從弟

鄭袤滎陽開封人魏常道鄉公立以定策功封安成鄉侯泰始

間薨諡元 子默嗣

李胤遼東襄平人文帝時為廣陸伯太始初進爵為侯薨諡成

志

盧欽范陽涿人少襲父毓爵亭侯武帝即位為大梁侯薨諡元

子浮嗣

石鑿樂陵厭次人武帝即位封棠陽子後拜司空封昌安縣侯

薨諡元 子陋嗣

溫羨太原祁人以從駕討成都王穎功封大陵縣公薨諡元

武陵沛國弘邑人景帝時為大將軍引為從事中郎後封亭侯

武帝即位封薛縣侯薨諡定 子鋪嗣

任愷樂安博昌人尚魏明帝女晉國建封昌國縣侯薨諡元

子罕嗣

郭弈太原陽曲人武帝即位以東宮官封平陵男卒諡穆

侯史光東萊掖人泰始初以侍中持節循風俗還稱旨封臨海

侯薨 子玄嗣 施

何攀蜀郡郫人以預誅楊駿功封西城侯薨 子璋嗣

傅玄北地泥陽人魏時以典農校尉稱職封鶡觚男武帝即位

進爵為子薨後追封清泉侯 子咸嗣 敷

傅祗玄成從父弟以預誅楊駿功封靈川縣公薨

封

魏書卷之三十三

三

六

閻續巴西安漢人為西戎校尉有功封平樂鄉侯

謝鯤陳國陽夏人為王敦長史以討杜弢功封咸亭侯薨子

尚嗣 康 肅 靈祐

曹志譙人魏陳思王植之子少襲封武帝受禪降為鄆城縣公

薨諡定

華譚廣陵人以討石冰黨功封都亭侯薨諡胡子茂嗣

羅憲襄陽人為蜀巴東太守蜀亡以郡降後卒追封西鄂侯諡

烈

滕脩南陽西鄂人為吳廣州牧王師伐吳脩帥眾赴難至巴丘

而孫皓降乃與諸郡送印綬封武當侯卒諡聲子並嗣 聲

以討蘇峻功
更封夏陽侯

馬隆東平平陸人以討羌平涼州功封奉高縣侯子咸嗣

胡奮安定臨涇人以從宣帝征伐功封夏陽子薨諡壯

陶璜丹陽秣陵人為吳交州刺史吳亡以地降封宛陵侯

趙誘淮南人以討華軼杜弢等功封平阿縣侯後戰沒諡敬

周玘義興陽羨人以討陳敏等定江南功封烏程侯薨諡忠烈

子總嗣

周札玘弟以討錢璦功封東遷縣侯後為王敦所殺

札兄子懋為晉陵太守封清流侯

懋弟贊大將軍從事中郎封武康縣侯

替弟縉太子文學都鄉侯

周訪汝南安成人以討賊功封尋陽縣侯薨諡壯子撫嗣以

進封建
城縣公楚瓊 琥

孟觀渤海東光人以受賈后旨殺楊駿封上谷郡公後坐趙王

倫黨誅

張輔南陽西鄂人為吏以擊搏豪強政迹封宜昌亭侯後為帳

封

史記卷一百一十五

三

九

下督富整所殺

索靖敦煌人以討孫秀及破羌等功封安樂亭侯薨謚莊子

聿嗣

索琳靖子愍帝時輔政以禦劉曜功封上洛郡公後與帝俱降

劉聰為聰所殺

賈疋武威人愍帝時為雍州刺史封酒泉公邀擊劉曜大破之

後為羣胡所襲敗死

周浚汝南安城人以平吳功封成武侯薨

閔琳

周馥浚從父弟以討陳敏功封永寧伯

荀晞河內山陽人以破汲桑石勒等功封東平郡侯進爵為公

後為石勒所殺

劉喬南陽人以預誅賈謚功封安衆男

劉琨中山魏昌人以斬石超迎大駕於長安封廣武侯後為段

匹磾所殺謚愍

劉輿琨兄為東海王越范陽王虓等所用有功封定襄侯薨謚

貞子演嗣

邵續魏郡安陽人以敗石勒功封祝阿子後沒於石虎為所殺

李矩平陽人以伐氏齊萬年功封東明亭侯

段匹磾東部鮮卑人父務勿塵遣兵助東海王越有功封遼西

公匹磾襲父爵領幽州刺史為石虎所攻敗沒於虎被害

右西晉列侯姓名之見於史者按晉始分五等則侯之

秩已不一又宋熙初楊駿輔政普進封爵以求媚於衆

議者以為優於泰始革命之初及諸將平吳之功其後

趙王倫既誅賈后遂竊帝位在職者皆封侯廝役亦加

以爵位金銀治鑄不給於印故有白版之侯君子耻之

則其所濫及者蓋不可勝道矣

王導琅邪臨沂人少襲祖覽爵即丘子元帝渡江導輔政歷受

遺輔明成二帝為相積封至始興郡公薨諡文獻世子悅卒

混悅弟子嗣愷 愷導次子襲 恬導子襲武 協導子襲武 諡嗣協

劉弘沛國相人以平張昌等功封新城郡公薨諡元

陶侃番禺人初以軍功封東鄉侯後以平蘇峻積功封長沙郡

公薨諡桓子夏嗣 弘綽之 延壽宋受禪侯

溫嶠太原祁人以討王敦功封建寧縣公及平蘇峻進始安郡

公薨諡忠武子放之嗣 式以

郗鑒高平金鄉人以預討王敦功封高平侯後更封南昌縣公

薨諡文成子愔嗣 超僧施 曇鑿子少陽爵 恢曇子

循恢子 顧榮吳國吳人以討葛璜功封嘉興伯元帝鎮江東以為軍司

卒帝即位追封為公諡元子毗嗣

紀瞻丹陽秣陵人以討陳敏功封臨湘縣侯薨諡穆子景卒

友景子

賀循會稽山陰人以討華軼功封鄉侯薨諡穆

薛兼丹陽人元帝即位以佐命功封安陽鄉侯

劉隗彭城人元帝即位以佐命功封都鄉侯後以王敦反奔石

勒

戴淵廣陵人以討賊功封秣陵侯王敦反淵拒之兵敗為敦所

殺諡簡

應詹汝南南頓人以討賊功封觀陽縣侯薨諡烈子玄嗣

甘卓丹陽人以討周馥杜弢等功封于湖侯王敦反卓討之敦

襲殺卓諡敬

卞壺濟陰宛句人父粹齊王固輔政時為中書令封成陽公為

卞壺

卞壺

長沙王義所殺壺襲父爵成帝時輔政蘇峻反壺力戰死之諡

忠貞 子珍與壺同死 諡

卞敦壺從父弟以討杜弢功封安陵亭侯薨諡敬 子滔嗣

劉超琅邪臨沂人元帝即位以佐命功封原鄉亭侯後為蘇峻

所殺諡忠 子訥嗣

孫惠吳國富陽人為東海王越參軍以迎大駕功封臨湘縣公

庾亮明穆皇后兄以討華軼功封都亭侯討錢鳳沈亮平之進

封永昌縣公薨諡文康 子義嗣 準

庾翼亮弟以討蘇峻功封廣饒男

庾冰亮弟以討蘇峻功封吳縣侯薨諡忠成

桓彝譙國龍亢人以討王敦功封萬寧縣男蘇峻之反為賊所

害諡簡 子雲嗣 序

桓冲彝子以從兄溫破姚萇有功封豐城公薨諡宣 子嗣嗣

胤

王承太原晉陽人承寧初以預迎大駕封藍田縣侯薨 子述

嗣 坦之 愷

荀崧穎川臨穎人以預平王敦功封平樂伯薨諡敬 子蕤嗣

籍

范汪雍州刺史咎孫以預討蘇峻功封都鄉侯薨諡穆 子康

嗣

王舒丞相導之從弟以破蘇峻功封彭澤縣侯薨諡穆 子崑

之嗣 陋之宋受禪 國除

王允之舒子以討蘇峻功封番禺縣侯薨諡忠 子晞之嗣

肇之

王廔道從弟以討杜弢等功封武陵縣侯薨諡康 子願之嗣

虞潭會稽餘姚人以征討張昌等功賜爵都亭侯後進至武昌

討建

文獻通考卷三百三十一

十一

山

縣侯薨諡孝烈 子伋嗣 嘯父

顧衆吳郡吳人以討蘇峻功封番陽縣伯薨諡靖 子昌嗣

張闓丹陽人以蘇峻功封宜陽伯 子混嗣

陸曄吳郡吳人以平錢鳳功封江陵伯薨諡穆 子湛嗣

陸玩曄弟以討蘇峻功封興平伯薨諡康 子始嗣

何克廬江蘄人以討蘇峻功封都鄉侯薨諡文 弟子放嗣

松

褚彘太傅袁從父兄以拒蘇峻封長平縣伯薨諡穆 子希嗣

蔡謨陳留考城人以平蘇峻功封濟陽男薨諡文穆

諸葛恢琅邪陽都人以討周馥封博陵亭侯討王含功封建安

伯薨諡敬 子魁嗣

孔愉會稽山陰人以討華軼功封餘干亭侯薨諡貞 子閏嗣

靜

孔沉愉從子蘇峻反以扈從功封末安伯薨諡簡 子話嗣

陶回丹陽人以破韓晃功封康樂伯薨諡威 子汪嗣

謝安陳國陽夏人孝武時輔政以禦符堅功封建昌縣公薨諡

文靖更封廬陵郡公 子瑤嗣 該

謝琰安子以破符堅功封望蔡公後為賊所害諡忠肅 子混

嗣

謝峻琰子封建昌縣侯 子密嗣

謝玄安兄子以征伐功封東興縣侯後以破符堅功進康樂縣

公薨諡獻武 子瑛嗣 靈運

謝石安弟以破符堅時為元帥封南康郡公薨諡襄 子注嗣

明慧 暠

王遜魏興人以征蠻功封襄中縣公薨諡壯 子澄嗣

羊鑿泰山人以預誅蘇峻功封豐城縣侯

劉胤東萊掖人以拒蘇峻功封豐城子後為郭默所殺 子赤

松嗣

桓宣譙國鉉人以前後戰功封竟陵縣男

桓伊宣族子以破符堅功封永脩縣侯薨諡烈 子肅之嗣

陵

毛寶滎陽陽武人以破蘇峻功封州陵縣侯後守邾城戰沒

子穆之嗣卿虎生以入洛 珍

毛瓌虎生子以討桓玄功封歸鄉公 子弘之嗣

劉遐廣平易陽人以討王含功封泉陵公薨 子紹嗣 舉

遵之 伯齡

鄧岳陳郡人以討郭默功封宜城縣伯薨 子遐嗣

朱序義陽人以討司馬勳功封襄平子後隨符堅淮淝捷歸國

虞預徵士喜之弟從平王含封平康縣侯

徐廣東莞姑幕人義熙初封樂成侯

袁瓌陳郡陽夏人以討蘇峻功封長合鄉侯薨諡恭 子裔嗣

方平 崧

袁朏瓌弟以平蘇峻功封秣歸男

劉牢之彭城人以破符堅功封武岡縣男後謀拒桓玄不克死

玄敗子敬宣嗣 光祖

劉毅彭城沛人以誅桓玄反正功封南平郡公後為劉裕所殺

諸葛長民琅邪陽都人以誅桓玄反正功封新詮縣公後為劉

裕所殺

何無忌東海剡人以討桓玄反正功封安成郡公後討盧循戰

死諡忠肅 子邕嗣

檀憑之高平人討桓玄戰歿追封曲阿縣公

魏詠之任城人以贊討桓玄功封江陵縣公

十一

宋史道安三十一

八

刻本

嵇紹康之子賈謚誅以不阿比凶族封弋陽子蕩陰之戰死之
贈進爵為侯 翰從孫 曠

魯芝扶風郿人以討諸葛誕功封武進亭侯後進爵繁城鄉侯
薨謚貞

胡威淮南壽春人武帝時為刺史以功封平春侯薨謚烈 子
弈嗣

羊琇景獻皇后之從父弟封甘露亭侯薨謚威
王虔文明皇后之弟封安壽亭侯 子士文嗣

王愷虔弟封山東縣侯
楊文宗武元皇后父封務亭侯謚穆

羊玄之惠皇后父封興晉侯
虞豫元敬皇后父早卒追封平山縣侯 子胤嗣 洪

褚裒康獻皇后父以平蘇峻功封都鄉亭侯薨謚元穆 子歆
嗣

何準穆章皇后父封晉興縣侯
王蘊孝定武皇后父封建昌縣侯

王敦司徒導之從父兄以討華軼等功封漢安後舉兵反破石
頭進爵武昌郡公病死討平蹠而斬之

桓溫彝子初襲爵萬寧男平蜀功封臨賀郡公北伐功封南郡
公 子玄嗣 借位

祖約逖之弟以討王敦功封五等侯後謀反兵敗奔石勒為勒
所誅

蘇峻長廣掖人以破沈亮功封邵陵公後舉兵反伏誅
右東晉列侯姓名之見於史者

文獻通考卷之二百七十一

文獻通考卷之二百七十二

宋鄱陽 馬端臨 貴與 著

封建考

明 蘄陽 馮 天馥 應房 校刊

宋氏一用晉制唯大小國皆有三軍自明帝以後皇子皇弟雖
非都督亦置記室參軍小號將軍為大郡邊守置佐吏者又不
置長史餘則同矣凡王子為侯者食邑皆千戶諸王世子皆金
印紫綬進賢兩梁冠佩山玄玉初江夏王義恭為孝武所忌憂
懼故奏革諸侯廳事不得南向坐國官正冬不得跣登國殿及
夾侍障扇不得雉尾劍不得鹿盧形但馬不得過二諸侯常行
車前後不得過六隊白直夾殿不在其限刀不得過銀銅為飾諸王子繼
體為王者婚葬吉凶悉依諸國公侯之禮不得同皇弟皇子諸
王女封縣主諸王子孫襲封之王妃及封侯者大夫並不得鹵
簿詔可○王國有師改傳為之自內史相記室以下官多與晉同孔

字思遠為江夏內史好酒多醉而明曉政事咸曰一月二十九日醉勝他人二十九日醒又有辭記空參軍箋曰記室之要須通才敏思性情凡郡縣內史相並於國主稱臣去任便止孝武孝建中始革此制不得追敬不得稱臣止宜云下官而已劉邕嗣侯河東王欽之常為南康國相素輕邕後俱元會邕性嗜酒謂飲之曰卿昔嘗見臣今不能勸一杯酒乎飲之効孫皓歌答之曰昔為汝作臣今與汝比有公主有傅令傅令不得朱服服亦江既不勸汝酒亦不願汝年所奏

長沙景王道憐武帝中弟帝即位封永初三年薨 子義欣嗣

義融義欣弟封桂陽縣侯 子觀嗣 先

義宗義融弟封新淦縣侯 子懷珍 承

義賓義宗弟封興安侯

義綦封營道縣侯

臨川烈武王道規武帝少弟桓玄篡位時以預起義進封至南

郡公武帝即位追封臨川王 義慶以長沙景王子嗣 畢 綽

營浦侯遵考武帝族弟帝即位封薨諡元 子登之嗣

廬陵孝獻王義真武帝次子初封桂陽縣公帝即位封廬陵王

後為徐羨之等廢而殺之時年十八 紹文帝第五子 敬先

彭城王義康武帝子帝即位封元嘉時入輔政後廢為庶人賜

死

江夏文獻王義恭武帝子帝即位封後為廢帝所殺

南郡王義宣武帝子元嘉元年初封竟陵王後改封南郡孝武

時與臧質同反兵敗誅

衡陽文王義季武帝子元嘉元年封衡陽王後改封二十四年

薨傳國至孫齊受禪國除

始興王濬文帝子元嘉十三年封後與元凶邵同行弒逆伏誅

南平穆王鐸文帝第四子元嘉十六年封孝武初薨 敬猷為

帝所子嗣 產以孝武 宣曜以晉平王 伯玉以衡恭恭

竟陵王誕文帝第六子元嘉二十年封廣陵王後改封竟陵諡

凶邵及南郡王義宣有功孝武忌誕遣兵襲之誕反兵敗死

建平宣簡王宏文帝第七子元嘉二十一年封孝武時薨子

景素嗣廢帝時舉兵攻臺城不克被殺

廬陵王緯文帝第八子元嘉二十二年封東海王後改封廬陵

孝武時坐罪廢死

晉熙王昶文帝第九子元嘉二十二年封義陽王廢帝即位舉

兵反不克奔魏變以明帝子嗣

武昌王渾文帝第十子元嘉二十四年封孝武時坐罪廢死

建安王休仁文帝第十二子元嘉二十九年封明帝立休仁有

功帝忌之賜死

晉平刺王休祐文帝第十三子孝建二年封山陽王後改封晉

平明帝忌而殺之

海陵王休茂文帝第十四子孝建二年封大明時謀反敗死

鄱王哀王休業文帝第十五子孝建二年封三年薨七弘山以

陽王休祐子嗣 臨慶冲王休倩文帝十六子孝建元年封未拜薨

新野懷王夷父文帝第十七子蚤薨加封

桂陽王休範文帝第十八子孝建三年封順陽王大明元年改

封廢帝時反誅

巴陵哀王休若文帝第十九子孝建三年封明帝忌之賜死

豫章王子尚孝武第二子孝建元年封西陽王後改封豫章廢

帝殞賜自盡 晉安王子勛孝武第三子大明四年封廢帝凶狂長史鄧琬等

奉子勛起兵明帝定亂即位琬等不受命奉子勛為帝一歲琬

敗見殺年十一

松滋侯子房孝武第六子大明四年封尋陽王明帝即位長史孔覲不受命以子房舉兵應晉王子勛敗坐貶為松滋侯後見殺年十一

臨海王子頊孝武第七子初封歷陽王後改封臨海坐應晉安王子勛事敗賜死年十一

始平孝敬王子鸞武帝第八子大明四年封襄陽王又改封新安廢帝即位見殺時年十歲 明帝立改封始平以建平王景

素子延年嗣

末嘉王子仁孝武第九子大明五年封年十歲遇害

始安王子真孝武第十一子

邵陵王子元孝武第十二子

淮南王子孟孝武第十六子

東平王子嗣孝武第二十七子 以上並為明帝所殺

齊敬王子羽孝武第十四子

晉陵孝王子雲孝武第十九子 並未拜而亡

南海哀王子師孝武第二十二子為廢帝所殺

武陵王贊明帝子明帝既誅孝武諸子詔以贊奉孝武為子封

武陵郡王順帝昇明二年薨國除

邵陵殤王明帝子年五歲封順帝昇明二年薨無子國除

隨陽王翽明帝子昇明二年封齊受禪降封舞陰縣公

新興王嵩明帝子齊受禪降封定襄縣公

始建王禧明帝子齊受禪降封荔浦縣公 尋並為齊高祖所

殺

齊封爵史闕

齊竟陵王子良開西邸延才俊以為士林自末明末京邑士人盛為文章談議皆奏於西邸

王國有師

王琨為武陵王師時王儉為宰相屬琨用東海迎吏琨使謂曰語郎三臺五省皆是郎用人外方小郡當

之寒寒不寒有官何容復張岱歷臨海章郡管安三王府諮議三王行事舉而情得文學

等官齊末明元年竟陵王公侯置郎中令一人卿餘與晉宋同

衡陽元王道度齊高祖長兄仕宋位安定太守卒齊受禪加封

謚無子 鈞以高祖第十一子珉以上子子坦

始安貞王道生高祖次兄仕宋位奉朝請卒齊受禪追封謚後

子鸞即位是為明帝追尊道生為景皇

鳳道生長子仕宋即位正員郎卒高帝即位子遙光明帝崩

政東昏失道遙光舉兵攻臺城兵敗誅

鸞是為明帝

紆封安陸王

豫章文獻王徽高帝子帝受禪封武帝即位進太尉薨 子子

廉嗣 元紆梁受禪降臨川獻王映高帝子帝受禪封末明七年薨 子子晉梁時坐

長沙威王晃高帝子帝受禪封武帝時薨

武陵昭王曄高帝子帝受禪封隆昌元年薨

安成恭王景高帝子帝受禪封末明元年薨

鄱陽王鏘高帝子帝受禪封明帝既廢鬱林王遂害鏘

桂陽王鑠高帝子帝受禪封後為明帝所殺

始興簡王鑑高帝子初封廣興郡後改封末明九年薨

江夏王鋒高帝子

南平王綽高帝子

宜都王鏗高帝子

晉熙王鈇高帝子

江東王鉉高帝子 已上並為明帝所害

竟陵文宣王子良武帝第二子帝即位封帝崩受遺詔輔太孫

薨 子昭胄嗣東昏時謀舉兵事覺誅

薨

五

魚復侯子享武帝第四子初封巴東郡王為荊州刺史坐殺臺使誅死貶為侯

安陸王子敬武帝第五子末明中封明帝即位遣人襲殺之

晉安王子懋武帝第七子隆昌初為江州刺史及明帝輔政誅

翦高武諸王子懋欲起兵入討事覺見害

隨郡王子隆武帝第八子年二十一遇害

建安王子真武帝第九子年十九遇害

西陽王子明武帝第十子年十七遇害

南海王子罕武帝第十一子年十七遇害

巴陵王子倫武帝第十三子年十六遇害

邵陵王子貞武帝第十四子年十五遇害

臨賀王子岳武帝第十六子年十四遇害

西陽王子文武帝第十七子年十四遇害

衡陽王子峻武帝第十八子年十四遇害

南康王子琳武帝第十九子年十四遇害

湘東王子建武帝第二十一子年十三遇害

南郡王子夏武帝第二十三子年七歲遇害

巴陵王昭秀文惠太子第三子年十六遇害

桂陽王昭粲文惠太子第四子年八歲遇害 已上並為明帝

所殺

先是高帝武帝為諸王置典籤帥一方之事悉以委之每至

觀接輒留心顧問刺史行事之美惡係於典籤之口莫不折

節推奉恒慮弗及於是威行州部權重蕃君武陵王暉為江

州性烈直不可忤典籤趙滄之曰今出郡易刺史及見武帝

相誣暉遂免還南海王子罕戍琅邪欲暫游東堂典籤姜秀

不許而止還泣謂母曰兒欲移五步亦不得與囚何異秀後

輒取子罕屐繳飲器等供其兒昏武帝知之鞭二百繫尚方
然而擅命不改邵陵王子實嘗求熊白厨人答典籤不在不
敢與西陽王子明欲送書參侍讀鮑僎病典籤吳脩之不許
曰應諮行事乃止言行舉動不得自尊徵衣求食必須諮訪
永明中巴東王子享殺行事劉寅等武帝聞之謂羣臣曰子
享遂反戴僧靜大言曰諸王都自應反豈惟巴東武帝問其
故答曰天王無罪而一時被囚取一挺藕一杯漿皆諮籤帥
不在則竟日忍渴諸州惟聞有籤帥不聞有刺史竟陵王子
良嘗問衆曰士大夫何意請籤帥參軍范雲答曰請長史以
下皆無益請籤帥使便有倍本之價不請謂何子良有愧色
及明帝誅異已者諸王見害悉典籤所殺竟無一人相抗孔
珪聞之流涕曰齊之衡陽江夏最有意而復害之若不立籤
帥故當不至於此

按宋齊之制諸王之爲刺史者立長史以佐之旣而復
立典籤以制之然大槩多以童稚之年膺方面之寄而
主其事者則皆長史典籤也宋蒼梧王以凶狂遇弑明
帝嗣位而江州長史鄧琬不受命奉晉安王子勛起兵
稱帝會稽長史孔覲雍州長史孔道存俱不受命皆奉
其王以應晉安未幾兵敗而臣主俱就誅夷而孝武之
子孫殲焉及齊明帝以交代宗欲盡除高武之子孫而
皆以典籤殺之然則長史典籤之設皆所以禍諸王而
當時之居此職者皆輕躁傾險之人或假之以稱亂或
賣之以爲功其情雖異而構禍則同童孺無知駢首橫
死於鋒鏑鳩毒之下至誓不願生帝王家及乞爲奴以
紓死而不可得哀哉

梁封爵亦如晉宋之制諸王皆假金獸符第一至十九諸公侯

皆假銅獸符竹使符第一至第五名山大澤不以封鹽鐵金銀
 銅鐵錫及竹園別都宮室園圃皆不以屬國諸王言曰今境內
 稱之曰殿下公侯封郡縣者言曰教境內稱之曰第下自第下
 稱皆曰寡人相以下公文上事皆詣典事世子主國其文書表
 疏儀式如臣而不稱臣文書下郡官皆言告諸王公侯國官皆
 稱臣上於天朝皆稱陪臣有所陳皆曰上疏其公之曰言事
 平元襄王偉好學重士四方游士當世知名者莫不畢至齊世
 有漢宮改為華林苑賜偉為宅穿築種種植與賓客游其中梁世
 盛無過之五等諸公位視三公班次之開國諸侯位視孤卿重號
 將軍光祿大夫班次之開國諸伯位視九卿班次之開國諸子
 位視二千石班次之開國諸男位視比二千石班次之○王國
 置傅相公以下則臺各為選郎中令將軍常侍典書令典衛長
 伯子無典衛 典祠以下自選備上諸官多同前代若王加將軍開府
 則置長史司馬及記室掾屬祭酒主簿錄事官屬張縮字孝卿

王長史從御史中丞武帝使宣旨曰為國之急惟在執憲直繩
 用人本不限升降晉宋及周閔蔡廓並以侍中為之卿勿疑是
 左遷時宣城王府資重故有此旨 嗣王則唯置郎中令中尉常侍大農藩王則
 無常侍制與後漢同

長沙宣武王懿武帝兄齊時為中書令為東昏所殺武帝受禪

追封謚 子業嗣 孝儼 存

藻業弟封西昌侯 猷藻弟封臨汝侯 韶猷子封上甲縣都鄉侯後襲封長沙王

駿韶弟封南安侯 明猷弟封貞陽侯

武帝既納侯景以明督師北伐兵敗沒于魏至齊文宣時遣
 使送明南還王僧辯納之稱尊號陳霸先襲殺僧辯更立敬
 帝而廢明齊人徵之薨

永陽昭王敷武帝兄仕齊為隨郡內史卒武帝受禪追封謚

子伯游嗣

衡陽宣王暢武帝弟仕齊位太常封江陵縣侯卒武帝受禪追

封諡 子獻嗣

桂陽簡王融武帝弟仕齊為太子洗馬融懿俱遇害武帝受禪

追封諡 象以長沙王子嗣 愷

臨川靜惠王宏武帝弟仕齊為王府功曹武帝受禪封普通七

年薨 子正義嗣

正德正義弟封西豐縣侯後奔魏後還大通四年封臨賀郡王侯景反奉正德潛位景入城並廢而殺之

正則正德弟封樂山侯後坐反誅 正立正則弟封建安縣侯

安成康王秀武帝弟仕齊為太子舍人武帝受禪封薨 子機

嗣 操

南平元襄王偉武帝弟仕齊為王府參軍武帝受禪封薨 子

恪嗣

恭恪弟封衡山縣侯 祗恭弟封定襄縣侯 咨偉孫封武林侯 脩咨弟封直豐侯

泰脩弟封豐城侯

始興忠武王憺武帝弟仕齊為外兵參軍武帝受禪封薨 子

亮嗣

映亮弟封廣信縣侯 暉映弟封安陸侯

豫章王綜武帝第二子天監三年封後奔魏歿於魏

南康簡王績武帝第四子天監七年封大通三年薨 子會理

嗣後為侯景所害

通理會理弟封新陽侯 義理通理弟封安樂縣侯

廬陵威王績武帝第五子天監八年封大同時薨 子應嗣

邵陵攜王紇武帝第六子天監十三年封侯景反以綸為征討

大都督討景不克奔郢州後奔汝南魏兵攻而殺之

堅紇子封南陽侯 確堅弟封正階侯後並為侯景所殺

武陵王紀武帝第八子天監十三年封大同三年為益州刺史

侯景陷臺城紀遣兵入援止於白帝未幾僭位于蜀元帝遣兵

取之紀敗為所殺

豫章安王歡昭明太子長子昭明薨封薨子棟嗣侯景廢簡

文帝立棟未幾景篡位王僧辯討誅景棟為朱買臣所害

河東王譽昭明太子子中大通三年封為湘州刺史侯景反入

援至青草湖臺城陷還鎮元帝遣王僧辯襲殺之

岳陽王譽昭明太子子中大通三年封為雍州刺史侯景既克

臺城譽稱藩于魏元帝既立魏人入寇譽率眾會之魏取江陵

害元帝乃立譽為梁王授以荊州而取其雍州驤譽遂即帝位

仍稱藩于魏即位八年殂諡宣帝子歸立二十四年殂諡明

帝子琮嗣立三年朝于隋隋取其地拜琮柱國賜爵莒公

尋陽王大心簡文帝第二子太清元年為江州刺史侯景反遣

師入援無功景將任約略地至淦城大心戰敗以州歸約後為

景所殺

臨川王大欵簡文第三子帝即位封後奔江陵魏克江陵遇害

南海王大臨簡文第四子侯景反遇害

南郡王大連簡文第五子為東揚州刺史侯景反入援無功還

鎮後為景所害

安陸王大春簡文第六子侯景反遇害

桂陽王大成簡文第八子侯景反奔江陵魏克江陵遇害

汝南王大封簡文第九子侯景反奔江陵魏克江陵遇害

瀏陽公大雅簡文第十二子侯景反發憤感疾卒

新興王大莊簡文第十三子

西陽王大鈞簡文第十四子

-5 188 35 535" data-label="Text">

武寧王大威簡文第十五子

-15 188 55 535" data-label="Text">

建平王大球簡文第十七子

-35 188 75 535" data-label="Text">

義安王大昕簡文第十八子

綏建王大摯簡文第十九子 以上並為侯景所害

自漢景武始裁抑諸侯王雖受封連城而不得以擅其土地甲兵至東漢諸侯王惟得食其邑入而已魏曹則并邑入亦鮮薄猜防尤甚卒以孤立速亡晉宋齊梁之制諸王皆出為都督刺史星羅碁布各據強藩蓋將假以事任庶收宗子維城之功而矯孤立之敝然宋齊一再傳而後二明帝皆以旁支入繼大統忤忍特甚前帝之子孫雖在童孺皆以逼見讎其據雄藩處要地者適足以隕其身於典籤輩之手而二明亦復享年不永置嗣無狀淪胥以亡不足復議若晉若梁則諸王皆以盛年雄材出當方面非宋齊帝子輩比也然京師有變則俱無同獎王室之忠而各有帝制而天子自為之志賈趙之亂如固如顛如又如越之徒縱兵不戢屠其骨肉

以啓戎狄之禍而神州覆亡侯景之亂如綸如繹如紀如營之徒擁兵不救委其祖父以饒寇賊之口而天倫殄絕矣蓋其初之立制也非不欲希風宗周懲鑿漢魏然世俗險惡人心澆漓齊桓晉文之事尚矣晉梁諸王雖欲求一人如鄭厲公號叔輩而不可得後儒所以疑封建之不可行有由矣

陳置九等公主有家令之制郡有王嗣王藩王開國郡縣公開國縣侯開國縣伯開國縣子開國縣男沐食侯鄉亭侯關內侯關外侯鄱陽王之封也遣度支尚書蕭睿持節兼太宰告于太廟五嶽尚書王質持節兼太宰告于太社凡親王起家則為侍中若將軍方得有佐吏無將軍則無府止有國官皇太子子冢嫡者封王依諸王起家餘子並封公起家中書郎諸王子并諸侯代子起家給事

王子起家有外散騎侍郎令僕子起家秘書郎若員滿亦為板法曹雖高半階資給祿書

郎下次令僕子起家著作佐郎亦為板行參軍此外有諸州主簿太學博士國常侍奉朝請嗣王行參軍並起家官未合發詔皇弟皇子府置師長史司馬從事中郎諮議參軍友掾屬記室等官其嗣王藩王府則遞減之王國置郎中令將軍常侍典祠令舍人等官其嗣王藩王則遞減其資諸王府佐等官仍為清濁或為選司補用亦有府樂牒拜授者不拘年限去留隨意在府之日惟賓游宴賞時復循從之更無餘事若隨府王在州其寮佐等或亦得預備督若其驅使便有職務其衣冠子弟多自修立非氣類者惟利是求暴物亂政皆此之類也

衡陽獻王昌陳武帝第六子武帝平侯景拜長城國世子後留荆州魏克荆州遷長安武帝即位遣人請之未還武帝崩乃歸文帝立使人迎昌濟江於中流殞之無子伯信文帝第七子嗣南康愍王曇朗武帝母弟忠壯王休先之子齊兵逼建康遣質于齊後為齊所害武帝受禪追封謚子方泰嗣後坐罪削爵土陳亡入隋

為掖縣令方慶方泰弟封臨汝縣侯

始興王伯茂文帝第二子帝即位以伯茂襲封始興王嗣伯父昭烈王道談後臨川王廢伯茂坐降為溫麻侯

鄱陽王伯山文帝第三子天嘉元年封禎明三年薨

新安王伯固文帝第五子天嘉六年封後與始陵王謀反誅

晉安王伯恭文帝第六子天嘉六年封陳亡後入長安後為成

州刺史

廬陵王伯仁文帝第八子天嘉六年封陳亡卒于長安

江夏王伯義文帝第九子天嘉六年封陳亡入長安道卒

武陵王伯禮文帝第十子天嘉六年封陳亡入長安後為臨洮

太守

永陽王伯智文帝第十二子太建中封陳亡入隋後為國子司

業

桂陽王伯謀文帝第十三子太建中封陳亡入隋後為番禾令

始興王叔陵宣帝第二子太建元年封宣帝崩叔陵反以刃傷太子伏誅

豫章王叔英宣帝第三子太建元年封陳亡入隋後為涪陵太守

長沙王叔堅宣帝第四子太建元年封陳亡入隋後為遂寧郡守

建安王叔卿宣帝第五子太建四年封陳亡入隋後為上黨通守

宜都王叔明宣帝第六子太建五年封陳亡入隋後為鴻臚少卿

河東王叔獻宣帝第九子太建五年封陳亡入隋後為汶城令

新蔡王叔齊宣帝第十一子太建七年封陳亡入隋後為尚書

主客郎
晉熙王叔文宣帝第十二子太建七年封隋師渡江叔文以巴州先送款授開府宜州刺史

淮南王叔彪宣帝第十三子太建八年封陳亡卒于長安院

始興王叔重宣帝第十四子叔陵為逆誅立叔重嗣昭烈王後陳亡入隋後為太府少卿

尋陽王叔儼宣帝第十五子後主時立陳亡入隋卒

岳陽王叔慎宣帝第十六子太建十四年立隋師渡江為湘州刺史拒戰死之

義陽王叔達宣帝第十七子太建十四年立陳亡入隋為絳郡通守後仕唐至禮部尚書

巴山王叔雄宣帝第十八子太建十四年封陳亡卒于長安

武昌王叔虞宣帝第十九子太建十四年封陳亡入隋後為高

苑令

湘東王叔平宣帝第二十子至德元年封陳亡入隋後為胡蘇令

臨賀王叔敖宣帝第二十一子至德初封陳亡入隋後為儀同三司

陽山王叔宣宣帝第二十二子至德初封陳亡入隋後為涇城令

西陽王叔穆宣帝第二十三子至德初封陳亡卒于長安

南安王叔儉宣帝第二十四子至德初封陳亡卒于長安

南郡王叔澄宣帝第二十五子至德初封陳亡入隋為靈武令

沅陵王叔興宣帝第二十六子至德初封陳亡入隋為給事郎

岳山王叔韶宣帝第二十七子至德初封陳亡入隋卒于長安

新興王叔純宣帝第二十八子至德初封陳亡入隋後為河北令

巴東王叔謨宣帝第二十九子至德四年封陳亡入隋為涪陽令

臨海王叔顯宣帝第三十子至德四年封陳亡入隋為鶉觚令

新會王叔坦宣帝第三十一子至德四年封陳亡入隋為涉縣令

新寧王叔隆宣帝第三十二子至德四年封陳亡入隋卒于長安

新昌王叔榮宣帝第三十三子禎明時封陳亡入隋為內黃令

太原王叔匡宣帝第三十四子禎明時立陳亡入隋為壽光令

始安王深後主第四子至德初封後廢太子胤立深為太子陳

亡入隋為枹罕太守唐武德初為秘書丞

吳興王胤後主長子初立為皇太子後廢為吳興王陳亡入隋卒于長安

南平王嶷後主第二子至德初立陳亡卒于長安

永嘉王彥後主第三子至德初立陳亡入隋為襄武令

南海王虔後主第五子至德初立陳亡入隋為涿令

信義王祗後主第六子至德初立陳亡入隋為通議郎

邵陵王競後主第七子禎明初立陳亡入隋為國子監丞

會稽王莊後主第八子至德初立陳亡入隋為昌隆令

東陽王怡後主第九子禎明二年立陳亡入隋為通議郎

吳郡王藩後主第十子禎明二年封陳亡入隋為任城令

錢唐王恬後主第十一子禎明二年封陳亡卒于長安

江左承西晉諸王開國並以戶數相差為大小三品大國置

上中下三將軍及置司馬一人次國置中下二將軍小國置

將軍一人餘官亦准此為差武帝受命自末定訖于禎明唯

衡陽王昌特加禮命至五千戶自餘大國不過二千小國則

千戶云

陳亡諸王隨後主入長安並配隴右及河西諸州各給田業

以處之大業二年隋煬帝以後主第六女嫺為貴人絕愛幸

因召陳氏子弟盡還京師隨才敘用由是並為守宰徧於天

下

宋列侯

武帝受禪之初詔晉氏封爵當隨運改獨置始興廬陵始安長

沙康樂五公降始興公為縣公廬陵公為柴桑縣公始安公為

荔浦縣侯長沙公為醴陵縣侯康縣公即降為縣侯以奉王導

謝安溫嶠陶侃謝玄之祀

劉穆之東莞莒人武帝建義時為軍吏桓玄平以功封西華縣

子義熙十三年卒贈南昌縣侯帝受禪以佐命元勳追封南康

郡公謚文宣 子慮之嗣 邕

彤坐罪

彪彤弟紹齊受禪降封南康縣侯

式之穆之中子以從征關洛功封德陽縣侯諡恭

徐羨之東海郟人少與武帝同參桓循軍府帝受禪以佐命功

封南昌縣公文帝即位改封南平郡公元嘉二年坐罪誅

湛之羨之兄孫以母會稽公主恩封枝江縣侯元凶劾弒逆

并害湛之諡忠烈 子聿之 亦為元凶 孝嗣 聿之子 襲爵 為廢帝所殺

傅亮北地靈州人武帝受禪以佐命功封建城縣公文帝立進

爵始興郡公元嘉三年坐罪誅

檀道濟高平金鄉人武帝受禪以佐命功封末脩縣公文帝即

位封武陵郡公元嘉十三年坐罪誅

檀韶道濟兄以預討桓玄功封邑丘縣侯以功更封宜陽縣

檀祗道濟兄以預舉義封西昌縣侯諡威傳嗣至齊受禪國除

王鎮惡北海劇人以拒盧循功封博陸縣子討劉毅功進封漢

壽縣子平姚泓取長安為洙田子所殺武帝受禪追封龍陽縣

侯諡壯傳國至曾孫叡齊受禪國除

朱齡石沛郡沛人以平蜀功封豐城侯姚泓既平以齡石鎮關

中敗於青泥見殺傳國至孫齊受禪除

超石齡石弟以從平姚泓功封興平縣侯後沒於夏見殺

朱脩之義陽平氏人以討南郡王義宣反功封南昌縣侯諡貞

王玄謨太原祁人以討臧質反功封曲江縣侯薨諡莊 子深

卒 諡深子

玄載玄謨從弟宋末沈攸之之難玄載起義送誠於齊高祖

封鄂縣子諡烈

玄邈玄載弟仕齊高祖封河陽縣侯諡壯

劉懷肅武帝從母兄以討桓玄建義功封東興縣侯 蔚祖弟

嗣 道存

懷敬懷肅弟以平廣固盧循功封南城縣男帝受禪以佐命

功進爵為侯諡肅 子德願嗣

榮祖懷敬弟子以破魏軍功封都鄉侯

亮榮祖從孫以軍功封順陽縣侯 道隆榮祖從子事廢帝封末昌縣侯

劉粹沛郡蕭人以從征廣固功封西安縣侯帝受禪以佐命功

封建安縣侯 子曠之嗣

孫處會稽永興人以討桓玄功封新蕃縣侯薨追封侯官侯

蒯恩蘭陵承人以討桓玄功封都鄉侯後以戰功增封入關沒

於夏傳國至孫

向靖河內山陽人以討桓玄功封山陽縣侯後以佐命進封曲

江縣侯 子植嗣 楨

劉鍾彭城人以平成都廣固功封永新縣男傳國至孫齊受禪

除 虞丘進東海邾人以討孫恩徐道暉復功封望蔡縣男傳國至曾

孫齊受禪除

孟懷玉平昌安丘人以討盧循功封陽豐縣男卒無子國除

龍符懷玉弟以從征廣固功封臨沅縣男

胡藩豫章南昌人以預平司馬休之及廣固功封陽山縣男諡

壯侯 子隆世嗣

劉康祖彭城呂人父虔之相武帝西征為司馬休之等襲殺贈

新康縣男康祖嗣封後從軍北伐敗死諡壯

道產康祖從弟父簡之以從討桓玄功封晉安縣侯道產嗣

爵 子延孫嗣 質

趙倫之下邳僮人武帝起兵以從義功封閬中縣侯帝即位更

封霄城縣侯薨諡元 子伯符嗣 勛齊受禪 國除

蕭思話南蘭陵人父源之歷徐兗二州刺史封陽縣侯思話襲

爵諡穆 子惠開嗣 齊受禪 國除

張興世竟陵人明帝即位四方反張興世以征討功封作唐縣侯

袁湛陳郡陽夏人起兵以從征伐功封晉陵縣男諡敬

豹湛弟以叅伐蜀功追封南昌縣子 淑 顛

粲淑從子孝武時以功封興平縣子齊高祖輔政粲討之不

克死

褚裕之太傅裒之曾孫武帝時以佐命功封番禺縣男 子恬

之嗣

淵裕之從孫明帝即位以功封雲都伯齊高祖初以佐命封

南康郡公 子綦嗣 霽

張永吳郡吳人明帝時以破薛索兒功封孝昌縣侯

瓌永子齊高祖起兵以佐命封義城縣侯後改封平都侯

稷瓌弟東昏時梁武起兵稷弑東昏迎梁武封江安縣子

張邵吳郡吳人武帝時以佐命功封臨沮伯 子敷嗣 式

中邵孫以軍功封定襄侯

暢邵兄子以舉兵討元凶劭功封夷道縣侯

鄭鮮之滎陽開封人武帝時以從征伐封龍陽縣五等子

顏峻琅邪臨沂人元凶劭弑逆孝武起兵峻以佐命功封建城

縣侯後為帝所殺

顏師伯峻族兄以預討元凶劭功封平都縣子後為廢帝所殺

庾登之潁川鄆陵人以預討桓玄功封曲江縣五等男

顧琛吳郡吳人以討元凶劭功封永新縣五等侯

沈演之吳興武康人以從伐蜀功封寧新縣男

江夷齊陽考城人以預討桓玄功封南郡州陵縣五等侯

沈慶之吳興武康人以討元凶劭功封南昌縣公後為廢帝所

殺謚襄 子曇亮嗣 齊受禪 國除

封建

卷之三十三

七

文季慶之次子封山陽縣五等伯

攸之慶之從父兄子以征伐功封平樂縣五等侯後封東興縣侯齊高祖輔政攸之與兵入討兵敗死

宗慤南陽涅陽人以征伐功封沘陽侯謚肅 子元寶嗣

柳元景河東解人以討元凶劭功封曲江縣公後為廢帝所殺子承宗嗣

世隆元景弟子齊高祖將移宋祚沈攸之起兵討之世隆以禦敗攸之功封貞陽縣侯謚忠武 子悛嗣 昭

沈世隆子梁武受禪以佐命功封州陵伯謚穆 子範嗣 慶遠元景弟子梁武受禪以佐命功封東安侯謚忠惠 子

津嗣

殷孝祖陳郡長平人明帝時討叛戰死追贈建安縣侯

劉緬彭城人孝武時以討竟陵王反功封金城縣五等侯 子

悛嗣

薛安都河東汾陰人以討元凶劭功封南鄉縣男後進爵為侯

明帝即位叛降魏

宗越南陽葉人孝武時以平竟陵王誕功封始安縣子後進爵為侯廢帝既殞為明帝所殺

吳喜吳興臨安人明帝時以討叛功封東興縣侯後為帝所忌賜死

黃回竟陵人明帝時以討叛功封葛陽縣男後進爵為侯後為

齊高祖所殺

吉瀚馮翊池陽人以從征廣固功封建城縣五等侯

杜幼文京兆杜陵人以軍功封邵陽縣男

杜慧慶交趾朱戴人以討盧循功封龍縣侯 子弘文嗣

卜天與吳興餘杭人以征伐功封關中侯元凶劭弑逆死之

戴法興會稽山陰人孝武討元凶劬以預謀封吳昌縣男後爲廢帝所殺

徐爰琅邪開陽人廢帝時以恩倖封吳平縣子

阮佃夫會稽諸暨人以弑廢帝立明帝功封建城縣侯後坐罪賜死

齊列侯

高帝受禪之初詔諸王皆降爲公自非宣力齊室一皆除國獨置南康華容萍鄉三國仍降爲縣公侯伯減戶有差以奉劉穆之王弘何無忌之祀除國者凡百二十人

王敬則臨淮射陽人宋明帝時以功封重安縣子齊高祖受禪以佐命功封尋陽郡公後坐反誅

陳顯達彭城人仕宋以軍功封彭澤縣子後進封彭城侯明帝卽位封鄱陽郡公東昏時舉兵反敗死

張敬兒南陽冠軍人高祖起兵以功封襄縣侯後以誅沈攸之功進爵爲公武帝時坐罪誅

崔慧景清河東武城人高祖受禪以佐命功封樂安縣子後舉兵反敗死

李安人蘭陵承人高祖受禪以佐命功封康樂侯諡肅

戴僧靜會稽未興人高祖受禪以佐命功封建昌縣侯諡壯

桓康北蘭陵承人高祖受禪以佐命功封吳平縣侯

焦度南安氏人以討沈攸之功封東昌縣子

曹武下邳人以預平石頭功封羅江縣男高帝受禪改封監利縣諡壯

呂安國廣陵人宋時以功封鍾武縣男高帝卽位進爵湘鄉侯諡肅

周山圖義興人以討沈攸之功封晉興縣男

周盤龍北蘭陵人宋時以軍功封晉安子高帝起兵改封純陽侯

王廣之沛郡相人宋時以軍功封寧都縣子高帝即位以佐命進爵為侯謚壯子珍國梁武起兵以佐命封宜陽縣侯僧

度荀伯王廣陵人高帝受禪以佐命功封南豐縣子後為武帝所殺

蘇侃武邑人高帝受禪以佐命功封新建縣侯謚質

江和濟陽考城人明帝即位以佐命封安陸縣侯後為東昏所殺

劉善明平原人以佐命及征伐功封新塗伯

紀僧真丹陽建康人齊高帝踐阼以佐命功封新陽縣男

茹法亮吳興武康人以權倖封望蔡縣男

法真東昏時封餘干縣子

梁列侯

王茂太原祁人武帝即位以佐命功封望蔡縣公謚忠烈子

貞秀嗣坐反誅

曹景宗新野人武帝即位以佐命功封湘西縣侯謚壯子皎

嗣

席闡文安定臨涇人武帝即位以佐命功封山陽伯謚威

夏侯詳譙郡人武帝時以佐命功封寧都縣侯改豐城縣公謚

景子亶嗣誼

夔亶弟以征伐功封保城縣侯謚桓子讓嗣

蔡道恭南陽冠軍人武帝起兵以佐命功封漢壽縣伯後戰歿

于魏傳國至孫固

楊公則天水西縣人武帝起兵以附從戰伐功封寧都縣侯謚

烈 子驃嗣 眈

鄧元起南郡當陽人武帝起兵以附從功封當陽縣侯諡忠

張惠紹義陽人武帝起兵以附從功封石陽縣侯諡忠 子登嗣

馮道根廣平鄆人武帝時以征戰功封增城縣男後進爵為伯

諡威 子懷嗣

康絢華山藍田人武帝起兵以附從功封南陽縣男

昌義之歷陽烏江人武帝時以佐命功封永豐侯諡烈 子寶

景嗣

張弘策范陽方城人武帝母文獻后從弟帝起兵以定策功封

洮陽縣侯後為賊所害諡閔 子緬嗣

續緬弟以尚主封利亭侯

庾城新野人武帝時以佐命功封廣牧縣子後進爵為伯 子

子興嗣

鄭叔紹榮陽開封人武帝時以佐命功封管道縣侯後改封東

興諡忠 子貞嗣

呂僧珍東海范陽人武帝初以佐命功封平固縣侯 子淡嗣

沈約吳興武康人武帝初以佐命功封建昌縣侯諡隱 子旋

嗣 寔

范雲南鄉舞陰人武帝初以佐命功封霄城縣侯諡文 子孝

才嗣

韋叡京兆杜陵人武帝時以征伐功封梁都子後進爵侯諡嚴

子放嗣 粲

裴邃河東聞喜人武帝時以征伐功封夷陵縣子諡壯 子政

嗣

之高邃兄子以從征伐功封都城縣男

子

卷之三十三

三

後

之平之高第以軍功封費縣侯 子忠陳時以軍功封東興縣侯

之橫之高第以軍功封豫寧侯諡忠壯 子鳳寶嗣

江淹濟陽考城人武帝克石頭以附從功封臨沮縣伯後改醴陵侯諡憲 子為嗣

陳伯之濟陰睢陵人齊時以征伐功封魚復縣伯梁武起兵以附從功進封豐城縣公後反兵敗入魏既而復以兵來降

陳慶之義興國山人以送魏元顥入北功封永興侯諡武 子昭嗣

蘭欽中昌魏人天監中以軍功封懷安縣男後改封曲江縣公王神念太原祁人本魏潁川太守與子僧辨據郡歸梁封南城縣侯諡壯 僧辨以誅侯景功封永寧郡公

羊侃泰山梁父人本魏將以兵來降封高昌縣侯 子球嗣

鷓侃第三子以手殺侯景功封昌國縣侯

羊鴉仁泰山鉅平人本魏人後歸梁封廣晉侯 杜崩京兆杜陵人元帝時以附從討侯景功封枝江縣侯後進封公諡武

岸崩兄與崩同歸元帝封江陵縣侯後為岳陽王瑒所殺

幼安崩弟與崩同歸元帝封華容縣侯後為侯景所殺

合龍崩兄子與諸父歸元帝封中廬縣侯後為陳霸先所殺

王琳會稽山陰人以軍功封建寧縣侯陳武帝受梁禪琳降齊後為陳所攻兵敗見殺

何遠東海郟人梁武踐阼以奉迎功封廣興男

周石珍建康廝隸太清三年以恩倖封南豐縣侯後坐侯景黨伏誅

陳列侯

杜僧明廣陵臨澤人以討侯景功封臨江縣侯謚威 子晉嗣
周文育義興陽羨人以討侯景功封南移縣侯後進封公為熊
曇朗所害謚忠愍 子寶安嗣 碧

侯瑱巴西充國人以討侯景功封康樂縣公後進封零陵郡公
謚壯肅 子淨藏嗣

侯安都始興曲江人以討侯景功封富川縣子後改封西江縣
公文帝即位以佐命功進清遠郡公後坐罪賜死 子亶嗣

歐陽頴長沙臨湘人以征伐功封始興縣侯文帝即位改封陽
山郡公謚 子紇嗣後舉兵反敗誅

黃法氈巴山新建人以軍功封巴山縣子後進爵為郡公謚威
子玩嗣

淳于量濟北人以軍功封廣晉縣男後進封始安郡公
章昭達吳興武康人以軍功封欣樂縣侯後進封邵陵郡公

子太寶嗣

吳明徹秦郡人宣帝時以佐命功累封至南平郡公後拒周師
敗沒于長安 子慧覺嗣

胡穎吳興人以從軍功封漢陽縣侯謚壯 子商嗣
徐度安陸人以戰功封廣德縣侯後進封湘東郡公謚忠肅

子敬成嗣 敬
杜稜吳郡錢塘人文帝即位以預建立功封永城縣侯謚成

子安世嗣
周鐵武不知何許人以戰功封純陽縣子後進爵侯 子瑜嗣

程靈銑新安海寧人以征伐功封遂安縣侯後進封公謚忠壯
子文季嗣 響

沈恪吳興武康人以戰功封東興侯謚光 子法興嗣
陸子隆吳郡人以戰功封益陽縣子後進爵為侯謚威 子之

武嗣

子才子隆第以戰功封康縣子

錢道戢吳興長城人以平張彪功封永安縣侯諡肅 子邈嗣

駱文吳興臨安人以戰功封臨安縣侯諡 子義嗣

孫瑒吳郡吳人以軍功封富陽侯諡桓 子訓嗣

徐世譜巴東魚復人以討侯景功封魚復縣侯諡桓

周敷臨川人以拒侯景功封西豐縣侯後為周迪所害 子智

安嗣

荀朝穎川穎陰人以戰功封興寧縣侯諡壯 子法尚嗣

周炆汝南安成人以軍功封西陵縣伯後進封武昌郡公諡壯

魯悉達扶風郿人以晉熙等五州歸附功封彭澤縣侯諡孝

子覽嗣

廣達悉達弟以軍功封中宿縣侯後隋軍渡江力戰死之

蕭摩訶蘭陵人以軍功積封至綏建郡公隋軍渡江戰敗被擒

後與漢王諒作逆誅

任忠汝陰人以戰功封安復縣侯隋卽渡江忠降隋

樊毅南陽湖陽人以戰功封夷道縣伯後進爵為侯陳亡入隋

趙知禮天水隴西人以從討侯景功封始平縣子後進爵為伯

諡恭 子元恭嗣

蔡景歷濟陽考城人文帝卽位以定策功封新豐縣子後進爵

為侯諡忠敬 子徵嗣

華皎晉陵既陽人文帝時以佐命功封懷仁縣伯進封公後降

為梁

毛喜榮陽武陽人宣帝時以定策功封東昌縣侯 子處冲嗣

沈君理吳興人以尚主及后父封望蔡縣侯諡貞憲

沈炯吳興武康人以從王僧辨討侯景功封原鄉侯諡恭

蕭濟東海蘭陵人以預平侯景功封松陽縣侯
司馬申河內溫人以討始興王叔陵功封文昭縣伯

文獻通考卷之二百七十二

文獻通考卷之二百七十三

宋鄱陽 馬 端臨 貴與 著

封建考

明漸陽 馮 天馭 應房 校刊

後魏道武皇始元年始封五等至天錫元年減五等之爵始分
為四曰王公侯子除伯男之號皇子及異姓元功上勲者封王
皇族及始藩王皆降為公諸公降為侯子亦此為差於是封王
者七十人公者二十二人侯者七十九人子者百有三人王封
大郡公封小郡侯封大縣子封小縣其後復加伯男焉孝文太
和十八年詔凡王公侯伯子男開國食邑者王食半公三分食
一侯伯四分食一子男五分食一舊制諸鎮將刺史假五等爵
及有所貢獻而得假爵者皆得世襲延興二年詔革此類不得
世襲又舊制諸以勲賜官爵者子孫世襲軍號後改降五等始
革之止襲爵而已凡公主皆嫁于賓附之國朝臣子弟雖名族

劉佑寫影錄

美彥不得尚焉後魏道武帝因是漢書製殿說高帝欲以魯元公主妻匈奴良久故立此制又江陽王女卒靈太后詔諸王侯亦各有師友文學侍郎掾屬舍人等官
贈卿主取八族及清脩之門咸陽王禧乃取公主有家今丞高平公主任城王隸戶為之深為孝文所責
主家今居廬制服太常博士常景口婦人無專國之理婦人為君男子為臣古禮所不載則家今不得純臣公主不得為正君明矣
乃寢

後魏宗室王公

上谷公紇羅神元皇帝曾孫道武即位以援立功封卒 子題

後進爵為王 悉降爵為公

建德公嬰文

直定侯陸並神元後仕太武獲封爵

武陵侯因章帝後從道武平中原封後改封

長樂王壽章帝後文成即位有援立功封後坐罪誅

望都公頽昭帝後隨道武平中原封

曲陽侯素延

順陽公郁

宜都王晨並桓帝後事道武文成以功封後並坐事死國除

吉陽男比干

江夏公呂 並道武侯弟以軍功封

高涼王孤平文皇帝第四子昭成即位以推戴功分國半部封

孤道武時追封高涼王諡神武 子斤構逆 真樂以孤孫

禮 那 紇 大曹孝文時例降封太原郡公 洪威為高歡

陵禮弟太武賜 環 鷲 大器

度孤孫道武初 乙斤 平 萇 子華

樂城侯興都烈帝之裔文成時賜爵 提

丕興都次子以告乙渾反功封東陽公孝文時進封王後以

非道武子孫例降爵為公坐罪廢 雋 邕俱丕子以功封新安及涇陽縣

河間公齊文帝玄孫太武時以征伐功封謚敬子陵蘭

扶風公處真烈帝之後位殿中尚書賜爵後坐事誅

文安公泥魏之疎族道武厚遇之賜爵子屈後坐誅磨渾勳

拜長沙公

秦王翰昭成皇帝子征伐有功道武即位追贈謚明子儀以

從征伐功封王後以罪賜死纂良以弟襲封禎瑞

烈儀弟以功封陰平王謚喜求

觚列弟奉使慕容垂遇害追封秦王夔

常山王遵昭成皇帝孫道武時以佐命及征伐功封後坐罪賜

死子素嗣可悉陪斤

懋遵之後孝武時以從駕入關封北平王

順懋弟亦以從入關封濮陽王偉子封安南郡王

毗亦遵之後孝武時以定策入關封魏郡王

陳留王虔昭成孫以戰功封後沒於陣謚桓子悅嗣崇弟

襲建降爵

毗陵王順昭成孫以功封後坐罪廢

遼西公意烈昭成孫以戰功封後坐罪賜死子拔干受洛

粟大武時以功進封為王

清河王紹道武皇帝子天興時封後行弒逆伏誅

平陽王熙道武子天興時封子佗嗣顯世遵

河南王曜道武子天興時封子提嗣平原和鑒顯

河間王脩道武子天賜時封羯兒有罪國除

長樂王處文道武子天賜時封無子國除

廣平王連道武子天賜時封渾飛纂

京兆王黎道武子天賜時封 子吐根嗣 繼

樂平王丕明元皇帝子秦常七年封 子拔嗣坐罪賜死國除

安定王彌明元子秦常時封無子國除

樂安王範明元子秦常時封 子良嗣

永昌王健明元子秦常時封 子仁嗣坐罪死國除

建寧王崇明元子秦常時封後坐罪死

新興王俊明元子秦常時封坐罪賜死

晉王伏羅太武皇帝子真君三年封無子國除

東平王翰太武子真君時封 子道符嗣坐謀反誅

臨淮王譚太武子真君時封 子提嗣 昌 或 孝友齊受禪國

廣陽王建太武子真君時封 子石嗣 遺興 嘉 深 湛

法輪

南安王餘太武子真君時封太武暴崩宗愛矯詔立餘後復為

愛所弑

陽平王新成景穆皇帝子太安三年封 子願嗣 宗胤坐罪死國除

衍願弟封廣陵侯 暢從孝武入關封博陵王 融暢弟從入關封魏興王

欽衍弟封鉅平縣公 子孝從入關封義陽王 贊

京兆王子推景穆子太安時封 子太興嗣 子昂 悰

仲景 退 冲

濟陰王子麟景穆子和平時封 子鬱嗣 暉業

汝陰王天賜景穆子和平時封後坐罪廢死

樂良王萬壽景穆子和平時封 子樂平嗣 長命 忠

廣平王洛侯景穆子和平時封 匡 獻 祖育 勒

任城王雲景穆子和平時封 子澄嗣 彝

順彞兄封東阿縣公

紀順弟從孝武入關封華山郡王

南安王禎景穆子皇興時封後坐罪奪爵 子英岐封中 熙

略熙弟封義陽王

怡英弟封魯郡王

城陽王長壽景穆子皇興時封 子鸞嗣 微 延

章武王太洛景穆子皇興時封 彬 融 景哲

樂陵王胡兒景穆子和平時封 永金 景略

安定王休景穆子皇興時封 子燮嗣 超 琰

安樂王長樂文成皇帝子皇興四年封 子詮嗣 鑒 斌之

廣川王略文成子延興時封 子諧嗣 靈道

齊郡王簡文成子太和時封 子祐嗣

河間王若文成子 琛

安豐王猛文成子太和時封 子延明嗣 長孺

咸陽王禧獻文皇帝子太和九年封後坐謀逆賜死 坦

趙郡王幹獻文皇帝子太和時封 子謚嗣 謀

廣陵王羽獻文子太和時封 子恭嗣 是為節

欣恭兄孝莊初封沛郡王

高陽王雍獻文子太和時封後為爾朱榮殺之河陰 斌

彭城王勰獻文子太和時後為高肇等所譖賜死 子劭嗣

北海王詳獻文子太和時封後為高肇所譖賜死 子顥嗣 後

梁為梁所立送之北還終敗死

京兆王愉孝文皇帝子太和二十一年封後坐謀反死

清河王懌孝文子太和時封後為元叉所殺

廣平王懷孝文子

汝南王悅孝文子遭爾朱之亂奔梁梁立為魏主北還遇害後魏列侯

衛操代人桓穆二帝時以佐佑功封定襄侯

莫題鴈門繁峙人道武初以功賜爵東苑侯後坐罪賜死

雲題弟以功封安定公

劉軍仁獨孤部人為南部大人後為慕容文等所殺

眷庫仁弟

羅辰眷子拜南部大人道武時以從平中原功賜爵永安公

子殊暉襲 求引 介頭 仁之

尉古真代人道武時以從平中原賜爵東州侯 子德萬嗣

眷古真弟子以功封漁陽王 子多侯嗣

穆崇代人道武時以從平中原功封宜都公 子逐留 乙

真 泰 以 叔 以 叔

觀崇子襲爵贈宜都王 壽 平國 伏干 熙

亮 羅弟封趙郡王 文時例降為公 紹 長蒿

奚斤代人道武時以征伐功封山陽侯進爵宜城王 長子他

觀嗣 緒

叔孫建代人登國初封安平公後進封丹陽王 子俊 蒲

安同遼東胡人以功積封至高陽公卒贈高陽王 子原 後以謀逆

誅

頡同子以禽赫連昌公封西平公後進爵為王

庾業延代人以從平中原功賜爵西昌公 子陵

王建廣甯人以從平中山功封濮陽公

羅結代人以功封屈地侯 子斤嗣 敢 伊利

婁伏連代人以征伐積功封廣陵公後進爵為王 子真嗣

間大肥蠕蠕人以征伐積功封榮陽公

奚牧代人以從征伐功封任城公後坐事誅
和跋代人以從征伐功封定陵公後坐事誅
莫題代人以征伐功封高邑公後坐事誅

奚眷代人以戰功封南陽公後坐事誅

燕鳳代人太武時以舊勳封平舒侯 子才嗣

許謙代人以平并州功封高陽公 子洛陽嗣

崔宏清河東武城人以籌策功封壽光侯 子浩嗣後坐修史

張家上谷沮陽人以從平中山功封臨渭侯 子度嗣侯白澤

鄧彥海安定人以參定朝儀功封下博子後坐事誅 子穎嗣

進爵為侯 怡侍

長孫嵩代人世為南部大人以軍功封鉅鹿公太武卽位以定

策進爵北平王 子敦嗣 道降為悅

儉嵩五世孫事周以功封平盧侯後封鄆國公

道生嵩從子以勳封汝陰公後進封上黨王 子旻嗣 觀

冀歸 彥 兕 熾 熾弟

紹遠冀歸子以從孝武西遷功封文安縣子 子覽嗣 洪

澄冀歸子以功封西華縣侯 子嶸嗣

長孫肥代人以軍功封琅邪公 子翰嗣後封平陽王 成降為

陵翰弟封吳郡王

于栗磾代人明元時以征伐功封新安侯後進爵為公 子洛

拔嗣 烈 祚

忠祚弟明帝時以定策功封常山郡公

勁忠弟以后父封太原郡公 暉勁子

謹亦栗磾之後西魏時以戰功封新野郡公周閔帝卽位進

封燕國公 子寔嗣 顓 世虔

仲文世虔弟以功封延壽郡公

翼寔弟以尚主封安平縣公後進封國公 子璽嗣

義翼弟封廣都縣公 宣道

崔願清河武城人道武時賜爵清河侯

凌願之裔孝武時以預定冊功封武城縣公

王憲北海劇人道武時以功進爵至北海公 子崇嗣 祖念

昕 顛

封懿渤海脩人道武時封章安子 玄之 回 隆之 纂

古弼代人大武時以功拜靈壽侯後坐罪誅

張黎鴈門平原人明元時封廣平公後坐罪誅

劉潔長樂信都人大武時以從征討功封會稽公後坐反誅夷

丘堆代人大武時以佐命封臨淮公後坐事誅

娥清代人大武時以戰功積封至東平公 子延嗣

伊散代人大武時以戰功積封至河南公 子蘭嗣 益生

乙瓌代人大武時以尚主封西平公後進爵為王 子乾歸嗣

海 瑗

周幾代人大武時以軍功封交趾侯 子步嗣

豆代田代人大武時以戰功積封至長廣公贈王爵 子周求

嗣

車伊洛焉耆胡人世為東境部落封前部王 子 嗣

王洛兒京兆人明元即位以佐命功封新息王卒贈建平王

子長城嗣

車路頭代人明元初以佐命封宣城侯卒贈宣城王 子眷嗣

盧魯元昌黎徒河人以功封襄城公卒贈王 子統嗣 彌娥

陳建代人大武時以從征伐積封趙郡公後進封魏郡王 子

念生嗣

來大千代人太武時以戰功封廬陵公 子丘頹嗣

宿石朔方人文成時以尚主封太山公後贈太原王 子倪嗣

萬安國代人獻文時以尚主封安成王後坐罪賜死 子翼嗣

周觀代人太武時以軍功封金城公

尉撥代人獻文時以功累封至安城侯 子延嗣

陸真代人太武時以戰功積封至河南公 子文祖嗣

呂洛拔代人太武時以功封武城侯 子文祖嗣 子琬嗣 允

薛彪子代人道武時以部落歸國封河東公 子詡嗣

尉元代人獻文時累封太昌侯後進封淮陽王 子詡嗣

慕容白曜晃之玄孫文成時以秉政封南鄉公後進爵濟南王 坐罪誅

和其奴代人文成時封平昌公後贈王 子受嗣 子愷嗣

苟頹代人太武時進爵至河南公後進爵河東王 子愷嗣

宇文福其先南單于之遠屬以勲封襄樂縣男 子廕嗣

許彥高陽新城人太武時以參預謀議封武昌公 子廕嗣

安仁 元康

宗之熙弟封穎川公後坐罪誅 子遵嗣 楷

刁靡渤海饒安人明元時以功賜爵東安伯 子遵嗣 楷

韋閔京兆杜陵人太武時以功賜爵高平男 子範嗣 子粲

韋道福閔從叔本仕宋以徐州內附功封高密侯 子欣宗嗣

珠圍族弟以招降羣蠻功封霸城子後進爵侯 子績 彧

彪 杜銓京兆人太武時封新豐侯

屈遵昌黎徒河人道武時以功封下蔡子 子須嗣 進爵信都

侯

恒以破平涼功賜爵齊北公 道賜 拔

張蒲河內脩武人太武時以謀策功封壽張子 子昭嗣以軍功進脩武侯

谷渾昌黎人太武時封濮陽公 子闡嗣 洪 穎 士恢

公孫表燕郡廣陽人明元初賜爵固安子後坐罪死 子軌以

奉使稱旨封燕郡公 獻良 以別功封 衡良弟襲

張濟西河人父千秋事慕容末來奔封成紀侯濟襲封 子多

羅嗣

李先中山廬奴人明元時以先帝舊臣封壽春侯 子國嗣

賈秀武城姑臧人太武時封陽都子 子雋嗣 叔休

竇瑾頓丘衛國人以功封衛國侯後坐事誅

李崇范陽人事馮跋以城降太武時封固安侯 子訢增封扶

風公後坐事誅

韓延之南陽堵陽人本仕晉後奔秦入魏明元時為鎮將封魯

陽侯

袁式陳郡陽夏人本仕晉奔秦入魏為上客封陽夏子 子濟

嗣

毛條之榮陽陽武人始仕晉為劉義真司馬沒統萬夏之亡入

魏太武時遷尚書能煎調主太官封南郡公 子法仁嗣贈南

郡王

朱脩之亦宋臣守滑臺被禽明元嘉其固守封郟陽侯 子幼

玉嗣

唐和晉西冥安人本仕涼涼亡臣於蠕蠕文成時以歸化功封

酒泉公後進爵王 子欽嗣 降為 景宣

寇讚上谷人世仕符秦以歸化功封軹縣侯後進爵河南公

子元寶嗣

封

卷之三十三

一

四

酈範范陽涿鹿人世為燕臣以地降魏範太武時以舊勳進爵至末寧侯 子道元嗣

韓秀昌黎人世仕燕歸魏封遂昌子 子務嗣

堯暄上黨長子人祖父仕燕來歸封平陽伯 子洪嗣 傑師

陸侯代人世領部落太武時以克武牢功封建鄴公後進爵東平王 子馥嗣改封建安王 琇 景祚

騰侯之裔以從爾朱榮平葛榮功封清河縣伯 子玄嗣 麗侯子以建大策立文成功封平原王 子定國嗣 昕之

彰 邛 義 叡麗次子封鉅鹿郡公 希道 士懋

源賀西平樂郁人本河西王禿髮儁檀之子儁檀滅奔魏太武時賜姓以從平涼州功封西平公以策立文成功進爵西平王

子延嗣 鱗 懷 子苞 彪

劉尼代人祖父世為方面大人尼以太武時以功封昌國子後以迎立文成功封東安公 子社生嗣

薛提太原人封太原公後為宗室所殺 弟浮嗣 司馬休之本晉嗣譙王討劉裕不克奔秦秦亡入魏贈始平公

子文思賜爵鬱林公後進爵譙王

司馬楚之晉宣帝弟太常旭八世孫劉裕誅翦司馬氏楚之以四郡之衆來降封琅邪王 子金龍嗣 徽亮降為 肫 鴻

孝政

裔肫弟西魏時以率衆歸關中封琅邪縣伯後進爵為公

子侃嗣 運

景之晉汝南王亮之後明元時來歸賜爵蒼梧公卒贈汝南

王 子師子嗣

進景之兄以太常末歸魏封新安公 子安國嗣

國璠叔璠晉安平獻王孚之後劉裕時奔慕容超超亡入秦秦亡來歸國璠封淮南公叔璠封丹陽侯

天助晉驃騎將軍元顯之子歸闕封東海公

劉昶宋文帝子義陽王廢主子業立疑昶有異志昶乃北降魏封丹陽王後加號宋王 子承緒早卒 暉以孫襲爵

蕭寶夤齊明帝第六子建安王梁武將移齊祚寶夤逃奔魏封丹陽郡公齊王後坐反誅

贊寶夤兄子梁武以為己子封豫章王後奔魏封高平郡公丹陽王後沒於魏

蕭祗梁武帝弟南平王偉之子侯景之亂奔魏封清河郡公子放嗣

泰梁武帝弟鄱陽王恢之子于謹取江陵入魏封義興郡公

子寶嗣

撓梁武弟安成王秀之子為益州刺史周伐蜀以城降累封

至黃臺郡公 子濟嗣

圓肅梁武陵王紀之子周取蜀與撓同降積封至棘城郡公

大圜梁簡文帝之子侯景之亂遁于江陵為元帝使魏江陵

亡留魏封始寧縣公

盧玄范陽涿人太武時以儒雋封固安子 子度世嗣後進爵

為侯 伯源 道舒

同玄之裔莊帝時以功封章武縣伯 子斐嗣

辯斐子以從孝武遷長安封范陽縣公 子慎嗣

光辯弟以從西遷積封至燕國公 子貴嗣

高允渤海蓆人以謀平涼州功封汶陽子後進爵梁城侯 子

悅嗣 貴賓

封建

卷之三十三

七

秀

濟允從叔同徵封浮陽子 子矯嗣

遵矯弟封安昌子

祐允從祖弟以從滅夏功封南皮子後進爵侯 子和璧嗣

顯 德政齊時以佐命封藍田公後為文宣所殺 王臣

翼祐從父弟孝宣末封樂成縣侯 子乾孝武時以策封長樂郡公

呂兒

昂乾弟莊帝時以建義功封武成縣伯後進爵侯戰死於西

魏追封永昌王 子道額嗣

季式昂弟以功封乘氏子後進封陽平縣伯

崔鑒博陵安平人與盧玄高允等俱被徵封桐廬縣子 子合

嗣

巨倫鑒族孫莊宗時以不附元顥功封漁陽縣男 子子武

嗣

士謙亦鑒族裔西魏恭帝時以功積封武康郡公 子曠嗣

彭曠弟隋文帝時以佐命功積封至安陽縣公 子寶德嗣

說士謙弟西魏時以戰功積封至安平縣公 子弘度嗣隋

初以佐命封武鄉郡公

弘昇弘度弟以佐隋功封黃臺縣侯後進爵為公

挺鑒族裔以工書封秦昌子 子孝芬嗣

猷西魏時以功封平原縣伯隋文時進爵汲郡公 子仲芳

嗣

李靈趙郡平棘人以授文成皇帝經封高邑子 子恢嗣進爵

為侯 悅祖 瑾

顯甫悅祖弟以軍功封平棘子 子元忠以佐高歡起兵封

晉陽縣伯 搔

渾靈曾孫齊初以參禪代儀注封涇陽縣男 子湛嗣

之
塚靈弟均之子以參定徐州功封始豐侯 子茂元嗣 秀

順靈從父弟太武時以壽略封平棘子後進爵侯坐罪誅
敷封高平公後半 憲 祖俊

祖勳祖俊弟齊文宣時以女為王妃封丹陽王
孝伯順從父弟太武時以侍軍國機密封昌子後進爵宣城

公 子安仁嗣
裔孝伯族以參齊神武軍定策功封固安伯 子旦嗣

子雄子旦弟隋初以戰功封高都郡公 子公挺嗣
育靈族裔武定時以拒葛榮功封趙郡公 子情嗣

游雅廣平任人太武時與高允等俱徵積封至廣平侯
明根雅從祖弟獻文時封新泰侯 子肇嗣 祥

高間漁陽雍奴人文成時以功累封至安樂侯 子元昌嗣

胡叟安定臨涇人自涼歸魏封始復男 弟繼之嗣

胡方回臨涇人封臨涇子

張湛燉煌人本仕凉凉亡歸魏封南浦男

澈湛兄封西平縣公 子敢之嗣

宗欽金城人本仕凉凉亡入魏封卧樹男後與崔浩同誅

宋繇燉煌人為涼使魏太武時拜為河西王右相封清水公凉

亡入魏改封西平侯 子巖嗣 蔭 季預

王慧龍太原晉陽人本仕晉祖父為劉裕所誅慧龍北奔太武

時以戰功封長社侯 子寶興嗣 瓊

鄭羲滎陽開封人孝文時以功積封滎陽侯 子懿嗣 恭業

道邕羲從曾孫孝武時以軍功及從西遷封永寧縣侯 子

詡嗣

譯詡弟周宣帝時封歸昌縣公後進封沛國公 子元壽嗣

先護義族裔莊宗時以納爾朱榮功封平昌縣侯後奔梁死
薛辨河東汾陰人初仕秦秦亡入魏以軍功封汾陰侯 子謹
嗣 拔以功積封胤 裔 孝紳

慶之拔從孫封龍丘子

端慶之弟子西魏時以戰功封交城縣伯周受禪進爵至文
城郡公 子胄嗣

濬胄從祖弟周天和中襲父瑛爵侯

孝通聰從孫以平定關中右衛封侯 子道衡

溫道衡兄周武帝時封齊安縣子後進博陵縣公 子襲嗣

慎善弟周閔帝時封淮南縣子

薛寔河東汾陰人魏孝武西遷以從行功封邵陽縣子周受禪

進爵為侯 子明嗣

薛澄河東汾陰人從孝武西遷封夏陽王後進爵為子 子舒

嗣

韓茂安定安武人太武時以從征伐功封蒲陰子後進爵安定

公 子備嗣 均

皮豹子漁陽人太武時累封至淮陽公 子承宗嗣

封敕文代人封天水公 子翰嗣

呂羅漢東平壽張人文成時以宿衛及征伐功累封至山陽公

子興祖嗣

孔伯恭魏郡鄴人父昭封魯郡公伯恭襲父爵

田益宗光城蠻世為蠻帥太和時歸魏封光城縣侯 子纂嗣

孟表濟北蛇丘人本齊馬頭太守太和時據郡歸魏封譙都縣

侯

奚康生河南陽翟人本姓達奚世居代為部落大人以戰功封

安武縣男後為元叉所殺 子剛嗣

奚康生河南陽翟人本姓達奚世居代為部落大人以戰功封安武縣男後為元叉所殺 子剛嗣

楊大眼武都氏難當之孫以戰功封安城縣子

崔延伯博陵人初仕齊後入魏以功賜爵定陵男後改封新豐

子

李叔仁隴西人以戰功積封至陳郡公後坐事誅

裴雙碩河東聞喜人位弘農太守封安邑子 子駿嗣

裴果河東聞喜人西魏時封冠軍縣侯 子孝仁嗣

裴寬河東聞喜人西魏時以戰功封夏陽縣男後進爵子後南

沒於陳

裴俠河東解人西魏時以從入關功封清江縣伯後進爵侯

裴文舉河東聞喜人西魏時以掠地功封澄城縣子後進爵為

伯 子胃嗣

薛安都河東汾陰人真君五年奔宋宋明帝立安都為彭城刺

史復叛魏封河東公 子道標嗣

道異道標弟以功封安邑侯

道次封河南公

真度安都從祖弟以來歸功封臨晉伯 子懷徹嗣

房法壽清河東武城人初仕宋後降魏以功封壯武侯 子伯

祖嗣 翼

畢衆敬東平須昌人始仕宋明帝時以充城降魏封東平公

子元賓嗣 義允 僧安

祖朽元賓子封須昌伯 子義暢嗣

祖暉祖朽弟以全守功封新昌縣子 子義勰嗣

羊規之太山鉅平人本仕宋太武南伐來降封鉅平子 子祉

嗣 深

李昶頓丘人西魏時封臨黃縣伯 子丹嗣

楊播弘農華陰人孝文帝時以戰功積封至華陰伯 子侃嗣

純佗

愔播族裔魏時以軍功封魏昌男齊文宣時輔政積封至華山郡公後為孝昭所殺

敷播族孫封臨貞縣伯後進爵公 子素周末以功封清河公隋文帝時以平陳封越公 子玄感嗣坐逆誅

約素弟以軍功封安城縣公後以佐廢太子勇進修武公 子玄挺嗣

昇約從弟周時以軍功積封至樂昌縣侯 寬敷叔父孝武時以從入關積封至華山郡公 子文思嗣

紀 王肅琅邪臨沂人父昌仕齊武為所殺肅奔魏孝文時以功封開陽伯 子紹嗣 紀遷

郭祚太原晉陽人孝文時以督運洛功封東光子後進爵伯

子景尚嗣

張彝河東武城人幼襲祖幸爵平陸侯後為羽林兵所殺 子嵩之嗣

邢巒河間鄭人襲父封平城子以戰功進平舒縣伯 子遜嗣 李崇頓丘人以后兄誕之子襲封陳留公後例降為侯 子神軌嗣

平崇從弟襲爵彭城公 子獎嗣 諧

世哲崇子賜爵衛國子

崔光清河人孝文時以參贊遷都功積封至朝陽伯 子勵嗣 裴叔業河東聞喜人本齊徐州刺史廢帝誅殺大臣叔業北降

魏封蘭陵郡公 子譚嗣 測 芬之叔業子以父勲封上蔡伯

念先叔業兄子封雍丘子 子約嗣

植叔業兄子封崇義侯

李元護遼東襄平人本仕齊與裴叔業同降魏封廣饒縣伯

子會嗣 景宣

席法友安定人仕齊與裴叔業同降魏封苞信縣伯 子景通

嗣 郾

王世弼京兆霸城人仕齊與叔業同降魏封慎縣伯

江悅之濟陽考城人本仕梁後降魏封安平縣子 子文遙嗣

張謹清河武城人本仕宋後降魏封平陸侯 子敬叔嗣

李苗梓潼涪人父仕梁被誅苗降魏後禦爾朱世隆敗死贈河

陽縣侯 子曇嗣

劉藻廣平易陽人本仕梁後降魏封易陽子 子紹珍嗣

傅永清河人世仕宋後降魏以戰功封貝丘縣男

張烈清河東武城人宣武時以戰功封清河縣子

李述渤海脩人以冊祭燕王廟還賜爵脩縣男 子象嗣

孫紹昌黎人永安時以議曆事賜爵新昌子 子伯元嗣

祖瑩范陽道人莊宗時以參議律曆事封爵容城縣子 子珽

嗣

爾朱榮北秀容人世為部落酋帥祖父皆封梁郡公榮襲爵正

光中以討賊功封博陵郡公擁兵入洛立莊帝封太原王後為

莊帝所殺

北榮從子榮入洛北封穎川郡公榮死北據晉陽進爵為王

後為高歡所破死

彥伯榮從祖父世為始昌侯節閔帝立彥伯以預定策功封

博陵郡王後為高歡所殺 子敞後奔西魏封靈壽縣公隋

時改邊城郡公 子最嗣

仲遠彥伯弟孝莊立封清河公節閔帝立進爵彭城王後奔

梁死

世隆仲遠弟莊宗立封平樂郡公後進封王後為長孫承業所殺

弼世隆弟節閔帝時封河間郡公後為其帳下所殺

度律榮從父弟莊帝初封樂鄉縣伯後封常山王高歡討誅之

天光榮從祖兄子莊帝封廣宗郡公後進爵為王為高歡所殺

朱瑞代郡桑乾人為爾朱榮腹心封陽邑縣公後為爾朱世隆所殺

叱列延慶代西部人世為酋帥延慶娶爾朱氏封北海郡公後為高歡所殺

斛斯椿廣牧富昌人從爾朱榮征伐有功封曲陽縣公後累封

至城陽郡公從孝武西入關卒贈常山郡王 子徵嗣 該

政

元壽椿弟從孝武入關封桑乾公

賈顯度中山無極人以從爾朱榮破葛榮功封石艾縣公後從孝武入關坐事死

智顯度弟以軍功封義陽縣伯後從入關坐事死

樊子鵠代郡平城人以功累封至西陽郡公後為兗州刺史據城應關中高歡討而殺之

侯深神武光山人莊帝時以戰功積封至厭次侯後坐反誅

賀拔允神武光山人世為鎮將封侯允襲侯積功封至壽陽縣公高歡入洛進爵為王後為歡所殺

勝允弟孝莊初以定策功封易陽縣伯後降梁既而復歸西魏以功積封至琅邪郡公 子仲華嗣

岳勝弟孝莊立以預定策封樊城男後進爵清河郡公鎮關
中後為侯莫陳悅所殺 子緯嗣

侯莫陳悅代人莊宗初封桓人縣侯後進爵白水郡公殺賀拔
岳宇文泰討而誅之

急賢金城枹罕人以軍功封屯留縣伯後進爵至安定郡公
子華嗣

梁覽金城人世為西羌部落積封至安德郡公

雷紹武川鎮人西魏時積封至昌國伯

毛遐北地三原人世為酋帥積封至始昌縣伯

鴻賓遐弟以功封縣侯

乙弗朗其先東部人世為部落大人以功封長安縣公

高恭之遼東人孝莊時賜爵龍城侯 子士鏡嗣

綦雋河南洛陽人孝武時封章武縣伯

山偉河南洛陽人以功封東阿縣伯 子昂嗣

費穆代人以爾朱榮黨積功至平原郡公後為元顥所殺

賀悅代人道武母黨其先世為君長以從平中原功封鉅鹿侯

子泥嗣進爵為琅邪公 醜建

杜超魏郡鄴人密皇后兄初封陽平公後進爵為王 子鳳皇

嗣

遺超弟封廣平王 子元寶嗣

閻毗代人文成母恭皇后兄初封河東公後與弟紇並進爵為

王自餘子弟賜爵為王者二人公五人侯六人子三人

馮熙長樂信都人文明太后之兄初封肥女侯後進爵昌黎王

子誕嗣例降為侯 穆

李惠中山人思皇后之父初襲父爵南郡公後進爵為王後坐

事誅

高肇渤海脩人文昭皇人之兄封平原郡公後坐罪誅

胡國珍安定臨涇人靈太后父封安定郡公 子祥嗣

梁越新興人魏初為禮經博士明元時以師傅恩封祝阿侯

盧醜昌黎徒河人太武時以師傅恩封濟陰公

張偉太原中都人太武時與高允等俱徵封建安公

李業興上黨長子人孝武登極時以預行禮事封屯留縣子

乞伏保高車部人獻文時襲爵寧國侯

段進不知何許人太武時歸歸入塞被擒罵賊死贈顯美侯

郭琰京槃人孝武時封新豐縣公西遷封馮翊郡公

乙速孤佛保北秀容胡酋孝武時以從入關封蒲子縣公

李崇渤海脩人孝武時以歸關中功封廣宗縣公 子敞嗣

竇瑗遼西人以從平葛榮功封容城縣伯

李洪之恒農人太武時封安陽男後進爵任城侯

劉靈助燕郡人爾朱榮入京師以上筮封長子縣公

周滄京兆鄠人明元時以善醫封成德侯

王顯陽平樂平人宣武時以營療功封衛國縣伯

王叡太原晉陽人文明太后臨朝時以恩倖封太原公後進爵

中山王 子襲嗣後降為公

王仲興趙郡人宣武時以恩倖封上黨郡公

侯剛河南洛陽人明帝時以恩倖積封至武陽縣公

宗愛不知何許人太武時以恩倖封秦郡公後坐弒逆誅

仇洛齊中山人本宦者太武時封零陵公 子儼嗣

王琚高平人亦宦者孝文時積封至高平王

-5 200 35 835" data-label="Text">

趙默本涼州隸戶為闡人封至河內公後進爵為王

-45 200 75 805" data-label="Text">

孫小咸陽石安人以闡封至中都侯後進爵彭城公

-85 200 115 835" data-label="Text">

張祐安定石塘人闡人宣文時至新平王後降為公

李堅高陽易人文成侯入宮封魏昌伯
劉騰原城人闈入宮靈太后時封長樂縣公

楊範闈人封華陰子

成軌闈人封始平縣伯

王溫闈人封樂城縣侯

孟鸞闈人封元城縣侯 已上並靈太后臨朝時

右元魏時封爵所及者尤衆蓋自道武興於代北以來
凡部落之大人與隣境之降附者皆封以五等之爵令
其世襲或賜以王封逮中世以後則不緣有功而封者
愈多程駿傳載獻文崩初遷神主于太廟有司奏舊事
廟中執事官例皆賜爵今宜依舊詔百寮評議羣臣咸
以為宜依舊事駿獨以為不可表曰臣聞名器為帝王
所貴山河為區夏之重是以漢祖有約非功不侯未聞

預事於宗廟而獲賞於疆上雖復帝王制作弗相公襲
然一持恩澤豈足為長世之軌乎書奏從之可見當時
封爵之濫然高允在太武時以平涼州勳封汝陽子至
文成時史言其為郎二十七年不從官時百官無祿允
第唯草屋衣唯編袍食唯鹽菜恒使諸子採樵自給則
其時雖有受封之名而未嘗與之食邑又道武以來有
受封為建鄴公丹陽侯會稽侯蒼梧伯之類此皆江南
土地未嘗為魏所有可見當時五等之爵多為虛封前
史雖言魏制侯伯四分食一子男五分食一然其真食
五分之一則不至如高允之貧乏且受封丹陽會稽等
處者雖五分之一亦於何而取之乎

